

上海图书馆

登记号码

00915321

錢謙益詩文集卷四上册

濟

序傳引

壽有序歿有傳像有贊祭有章墓有誌銘請

旌則有紅呈以及詩記輓誄名不一皆所以詠駿烈誦清芬而為後人之典型者也吾族自太邱公以下按世而錄之專紀其實而文不尚焉俛閱者想見其為人至若卽境舒懷撫時唱咏縱詞雕句琢而無關於各教者概不錄焉爰做郡邑誌藝文式列於譜後此亦有美必彰之意也是為引

Handwritten text in a vertical column on the right margin, likely a page number or title.

A large table with approximately 15 vertical columns and a header row, containing mostly blank space.

太邱公碑文

併序

先生諱寔字仲弓潁川許人也

潁川今河南陳州府許州

舍元精之和應期

之數兼資九德總修百行於鄉黨則恂恂焉彬彬焉善誘善導仁

而愛人使夫少長咸安懷之其為道也用行舍藏進退可度不徼

許以干時不遷貳以臨下四為郡功曹五辟豫州六辟三府再辟

大將軍宰聞喜半歲太邱一年

聞喜今山西蒲州府聞喜縣太邱今河南歸德府永城縣

德務中庸

教敦不肅政以禮成化行有謚會遭黨事禁錮二十年樂天知命

澹然自逸交不諂上愛不瀆下見幾而作不俟終日及支書赦宥

時年已七十遂隱邱山懸車告老四門備禮閑心靜居大將軍何

公何進司徒袁公

袁

前後招辟使人曉喻云欲特表便可入踐常伯

超補三事紆佩金紫光國垂勳先生曰絕望已久飾巾待期而已

皆遂不至宏農楊公

太尉楊賜

東海陳公

司徒陳就

每在袞職羣僚賀之皆

舉手曰穎川郡陳君絕世超倫大位未躋慙於交仲竊位之負故

時人高其德重乎公相之位也年八十有三中平三年八月丙午

遭疾而終中平靈帝年號按本傳中平四年八月十四卒於家臨沒顧命留葬所卒時服素棺

槨財周櫬喪事惟約用過乎儉羣公百僚莫不咨嗟巖藪知名失

聲揮涕大將軍吊祠賜以嘉謚先賢行狀何進遺官屬弔祠謚曰徵士陳君稟岳

瀆之精苞靈曜之純天不憇遺老俛屏我王梁崩哲萎於時靡憲

縉紳儒林論德謀跡謚曰文範先生傳曰郁郁乎文哉書曰洪範

九疇彝倫攸敘文為德表範為士則存諱沒號不亦宜乎三公遣

令史祭以中牢刺史敬弔太守南陽曹府君命官作誄曰赫矣陳

君命世是生含光醇德為士作程資始饒正守終又令奉禮終沒

休矣清聲遠官屬掾吏前後赴會刊石作銘府丞與比縣會葬苟

慈明名韓元長等五百餘人總麻設位哀以送之遠近會葬于

人以上河南尹种府君臨郡追歎功德述錄高行以爲遠近鮮能
及之重部大椽以成時銘斯可謂存榮沒哀死而不朽者也乃作
銘曰

峩々崇嶽吐符降神於皇先生抱寶懷珍如何昊穹旣喪斯文
微言圯絕來者曷聞交々黃鳥爰集于棘命不可贖哀何有極

辟橋元府由郎中遷尙書郎陳留蔡邕撰

身息作禮阿上吳詩韻集

巽十五諱道凝公墓誌銘

府君歿幾四十年矣其孫啓聰等具義烏儒學教諭三山陳得安所述行狀拜曰先祖歿時嚴君伯仲屢歷癘故愚未諳世事墓石未得鐫銘恐久益忘敢徵銘以垂不朽予遂按狀而銘之陳本媯姓太邛之裔也曾祖諱守信晦迹不仕祖諱垠任松陽教諭考諱綜官至徐州知州母吳氏生府君諱道凝字伯東稟性穎悟讀書日記千餘言其餘羣經手史涉獵不倦學以駿下有戒惜不事舉業隨父宦遊南北接見紳士雄談今古臺壘不息皆有源委聽者莫不敬企父解組林下日侍左右甘旨之需必躬爲之考卒恨不終養高年輒深樹靜之悲性極豪邁作事果斷稍有忤意鋒芒無剗重然諾樂施予言出於口千金不吝接交賢士大夫不惜所費盡歡而退宗戚子弟行有不矩召至於庭諭以理道待其自悔而

已至排難解紛府君若往衆歛手悉憑剖析晚脫風塵怡樂蔗境
臨流觴詠作詩有唐人風味嘗作齋壽堂與厥配李安人同享天
齡而四代子孫進霞觴奉滌瀨親賓縉紳耆士咸著詩文以頌其
盛府君生於洪武辛亥四月初九日享壽八十卒於景泰庚午三
月二十八日配在城李氏生於洪武壬子十月二十日卒於正統
甲子十月十一日合葬太橋前生三子太庸大資太昭二女適洋
灘賈暹庶之子希齡孫男十一孫女二曾孫男三十曾孫女十嗚
呼府君才德之充足以致用惜乎韜晦聲迹卒老於行其子若孫
鸞停鵲峙咸能繼承先緒是宜得銘 銘曰

綿綿錦水派出有嬌芬芳奕葉家聲四馳克生有德繼緒維持
挺拔流俗毫邁不羈從容泉石孝友是基鑿鑿詩禮仁義是規
壽考終命子孫長垂無榮無辱五福克綏冰霜節操松柏貞姿

百世而下鑑此銘詩

賜進士第文林郎四川道監察御史

慈溪桂

鎬頓首撰

賜進士第徵仕郎中書舍人

武林錢

鏞書并篆

Blank manuscript page with vertical columns.

德三諱大資公墓誌銘

處士卒而既葬已有年矣其孤啟聰等具狀再拜而告曰先君力
於爲善圖亢厥宗啓聰等弗克振作以揚先德墓石尙未得銘罪
莫大焉敢徵大人闡揚潛德以垂不朽予於孝子之請義不容辭
遂按狀以銘之陳氏出自潁川實之後高祖諱守信抱道不仕曾
祖諱垠任松陽教諭祖諱鏞官至徐州知州考諱道凝隱德弗耀
母李氏生府君諱大資字文質天性敏慧嬉戲時輒有長者氣象
稍長學書記事遂領頭緒克敦孝友樹植休聲親嘗值疾衣不釋
體者數月湯藥之具必躬爲之母李氏安人先卒恨抱終天孝思
之念旦夕不忘事父務得歡心壽終之日哀痛迫切頓絕方蘇如
值忌辰先期齋沐宿具餼饌哭泣袒括如初喪時其處兄弟怡怡
然有雍睦之風析爨之時資產之具任兄弟所欲授之而無吝色

身馬作香... 居恆教子必以義方季子補色廩生其於宗族長幼待之必以禮
親戚朋友接之必以誠至有賢士文人側席延納禮意弗衰間里
中有患難與憤爭必爲之解紛而調恤其言行克謹操履克篤有
如此公生於永樂丁亥十月十二日申時享壽六十有三卒於成
化己丑九月十三日辰時配金華葉氏有懿美相夫子綜內政足
爲閨壺之式生於永樂丁亥四月初六日午時享壽七十有六卒
於成化壬寅五月初八日未時合葬本里孫村生大子長啓明次
啓聰三啟昶四啓旭五仕芳六仕希二女長適赤岸馮銀次適上
河何雄孫男二十孫女八曾孫男三十有一曾孫女十有二嗚呼
人生苟無一德將何以銘沒無後賢銘之何益今府君生有德沒
有後宜得銘

銘曰

稟性剛直無驕無飾道誼是崇儀型作則制行無虧修省謹飭
芝蘭滿庭輝生翰墨生順死安俯仰自得百世清風銘昭於勒
賜進士第承事郎刑部主事

四明 翁玉譔并書篆

德三公像讚

繫維我祖躬逢盛傳會父司鐸類璧輝聯大父司牧德惠溥宣
惟祖繼體更稱象賢事親以孝性本乎天事長以悌情誼纏綿
幼而岐嶷長而循然克敦典禮克擅詩篇學優才博識通幽元奕
奕大猷浩浩心田能揮八極德藏九淵出而濟世利涉大川維
祖勿耀韜晦林泉有昊賦畀申其天年五福是基九如克全錫以
孝嗣六符爭先更及蘭孫簪笏翩翩卓哉偉業裕後光前

八世孫

邦衡 益怡

全頓首百拜撰

Blank page with vertical lines and faint bleed-through text.

智六十一諱得祥公墓誌銘

府君諱得祥字文瑞歿而既葬其子文顯文安大祥後具楚府教授俞道英所著行實乞銘於予予職居史官凡有關風教者每樂爲之播揚今於孝子之請尤義不容辭遂按狀以銘之陳氏本媯姓乃太邱長之系也世居義烏之倍磊曾祖諱坦祖諱德明父諱大有皆含英咀華夙嫻文學母何氏生府君稟資特異在襁褓遂知人事與羣兒嬉戲端莊危坐叱教揖讓卽彬彬然有大人儀度稍長日授以書卽能成誦衆皆期曰與陳氏之門者在此子也平居性厭紛華愛幽僻嘯傲林泉不履城闕嘗架於屋澗水前流樂天然之趣寬厚愷悌樹厥家聲景泰丙子大旱慨然賑恤閭里咸沾其德鄉曲有憤爭者片言折之無不心服尤篤孝敬當親有疾衣不解帶湯藥必親嘗久無怠容夜則焚香籲天乞以身代親病

遂愈則孝之感格於神明也有然矣嘗曰屋可以蔽風雨田可以
供饗祭課子詩書敦行孝悌奚庸過求其易贖之日呼諸子語曰
我歿後切弗事浮屠以累我生所逋之券悉命焚之其行誼類多
如此府君生於武洪丙子三月二十一日享年六十有八卒於天
順癸未三月二十九日安厝倍磊塘山之原配金華何氏有懿德
克盡婦儀母道生於洪武戊寅四月十七日享年五十有七卒於
景泰乙亥三月三十日與府君合葬生二子長文顯次文安一女
琳適本色季愷孫男七孫女二曾孫男二十有二曾孫女七元孫
男十有一嗚呼府君之才德孝行固足表揚於後而可任其湮沒
勿彰乎因爲之銘曰

孝而且賢壽愷令德出言有章斷乎荆棘作事有方爲衆矜式
壽可以藏名不可匿庸作銘詩千古石勒

賜進士第文林郎翰林院編修

鏡川 楊守陳撰

徵士郎中書舍人

吳門 仲蘭書丹

太僕寺寺丞前中書舍人

四明 金湜篆蓋

Blank page with vertical lines and scattered ink spots.

益八諱啓聰公傳

予嘗讀哲人日已遠典型在夙昔每嘆古今人之不相及今見陳君睿之其古道之照人烏知今之不勝於古哉君本太邱之裔孫世居於義烏之倍磊高大父諱垠任處州松陽教諭曾大父諱鏞仕至徐州知州大父諱道凝父諱大資俱行修名立古處克敦母葉氏生君諱啓聰字睿之秉資高朗賦性溫柔務耕讀崇節儉繩趨矩步儼有老成典型親友往來之間待之則恩禮優渥故遠近恆樂道其名至充拓君址華構輪奐人謂君之家聲克振固已難能而可貴已予以爲此特君之緒餘耳尤可稱者事親務極承歡定省溫清寒暑無間或因事出亦頃刻不忘親喪旣久一言及之卽追思流涕頓深風木之悲處兄弟怡怡友愛待鄉里恂恂禮讓持亡接物無纖毫詭譎至鄉曲中義有未舉者必倚之爲倡事有

不平者必藉之爲衡宏治壬子歲大歉君慨然出所有以濟貧乏
不計酬報有司援例授以冠帶里黨榮之而君殊恬然無所介意
其行誼之卓犖類如此君生於宣德己酉十一月初二日亥時今
年七十有四精明不爽雖蠅頭細字燈下尙能辨之鶴髮童顏真
神仙中人也厥配安人陶氏生於宣德庚戌七月十一日未時眉
壽偕老舉案稱觴生一子各俊克遵庭訓善承父志一女適山盤
朱瑗其壻也孫男三惟正惟勤入邑庠生曾孫男十有六以是觀
之君之行誼不誠與古爲徒哉因爲之著夫傳而并繫之以讚曰
人皆利趨君獨義居勿尙誇詐抱德自如醇和葆育瑩然璠璣
無榮無辱俯仰安舒

宏治壬戌年仲冬月

之吉

賜進士刑部郎中

暨陽 馮珏著

蕃三諱文瓊公八旬榮慶序

予自湖口謝政歸家日坐於華川百可庵適外兄青巖劉先生過焉洽茗延坐叙談契闊間作而言曰生之外父諱世玉世居邑南之倍磊錦溪孝事父母友於兄弟存心以仁處衆以和凡族黨中有勤而爲善者則獎勸之惰而不譎者卽戒叱之有不能舉火者則調恤之其他善行指不勝屈上歲正月初二日乃外父懸弧之辰歷今八十春秋矣。邑尹關西花公聞其賢遂授

朝廷推恩養老之例加之冠帶以榮其身生辱在館甥之列願請先生一言以爲之慶予聞之喜不自勝況公亦予所素知者不可以無辭洪範五福以壽爲先有其壽然後可以享諸福也然壽者德之驗德者壽之本世未嘗有其德而無其壽亦未有其壽而不本於德也公平生操履之善皆今人所罕能者宜乎有今日之壽也

宜乎有今日之榮也將見過此以往精神矍鑠齒加期頤他日

朝廷聞之頒元纁之幣下安車之詔從容陳上理於

朝廷而躋斯世雍熙之域則公之善行不特行於一鄉一邑殆將行

諸天下後世也不其偉歟廷信揖而謝曰先生祝頌之意至矣盡

矣請書之馳歸以為慶云

宏治十七年歲次甲子正月上浣吉旦

賜進士第文林郎知九江府湖口縣事

眷生 龔本撰

賜進士中憲大夫四川按察司副使前大理寺寺正越東澤全拜

蕃三三諱文璵公墓誌銘

墓銘之作所以記行述昭懿美此孝子追思其親之盛心也義烏之倍磊有陳君諱繼凝者具狀請父之銘予於孝子之請不敢以辭遂自忘固陋而爲之銘按陳氏穎川之後也簪纓濟美爲邑之望族高祖諱坦曾祖諱存善祖諱繼享考諱得成代修厥德母王氏生府君諱文璵字世美平生不營外務惟崇詩禮弗事虛夸惟尚樸素事親承順絕無忤意嘗念嚴君弗克壽考言及之下輒涕泣哀號不已極意奉侍萱堂以至高壽而終孝思之誠爲何如乎處兄弟必盡孔懷之義待親戚無忘故舊之情至閭里中有修舉廢墜者恆勇而行之或因饑寒所迫而亡去者樂爲之存恤嘗訓諸子曰我雖不能丕振家聲幸無榮辱累身足矣汝等當體我而行乎其行誼類多如此惜乎天不假之以壽五十有六而卒於正

寢實成化癸卯正月二十一日巳時也距生宣德戊申十一月十
二日子時安厝於大坑山之原安人王氏相夫有道主饋惟勤足
為閨閫之式生於宣德丁未六月初七日辰時享年七十有一卒
於宏治丁巳九月二十日亥時與府君合兆生五子長繼道次繼
安三即乞銘者繼凝四繼華五繼榮一女適赤岸馮孫男九孫女
三曾孫男一嗚呼府君天何豐其德而嗇其壽乎然觀後嗣之盛
天雖奪之而天實酬之也又烏得謂天之無意於府君也哉是宜

得銘 銘曰

賦畀既充德修厥躬淡泊明志泉石高風修短有數厥嗣克豐
銘勒於石永昭無窮

賜進士第承德郎刑部主事

慈谿 桂詔撰并篆

賜進士第奉政大夫和州知州

邵人 葉睦書丹

聰三諱文安公墓誌銘

余謝廷尉事無以爲樂日以文墨自遣凡有碩德偉才者皆來請銘於余倍磊錦溪陳君具府君之行述泣而拜曰先考卒十有餘禩墓石未銘願乞賜之予遂按狀陳氏本太邱長之嫡派代有文人世居於義烏倍磊之錦溪高大父諱坦曾大父諱德明大父諱大有父諱得祥皆適志邱園安居自樂安人何氏生府君兄弟二人府君居次諱文安字彥康天資明敏志操高潔敦厚周慎固慥慥篤實之君子也其居家也綱紀肅然內外無間其事親也愉悅奉養日久不怠至有爲親所與交游者至則必權忻相待凡所得爲毫無吝色惟以悅親爲事及親喪日哀毀骨立頓絕方蘇其喪具稱家有無悉合於禮及奉先祭祀必敬必誠至鄉曲中有因饑而亡去者則必出所餘以存活之嘗與兄膺萬石長稅糧必先期

出己賞以完不動聲色任其所有來償不肯絲毫多取及教諸子則必延名師以課讀俾知義方故其子皆克肖以至晚年屏迹塵囂綸巾弊衣常攜壺觴相邀詩文雅士日與品題休憩於林麓之間以樂昇平嘗語人曰吾平生無過人之爲亦不過以平恕自處禮讓待人故榮辱而一無所有也其素行不可枚述有如此府君生於永樂癸卯十月初七日享年五十有六卒於成化戊戌七月十六日歸葬裏山楊坑金鷄形之原安人楊氏德性幽閑克勤婦道生於永樂戊戌九月二十三日享年六十有餘卒於成化丙午四月二十三日與府君合兆生四子長連次進三卽乞銘者遺四金一女瑁適十八都王琳孫男十有一孫女四是宜得銘以傳於後

銘曰

公之德器璠璵璋公之才畧珠玉蘊藏公之行履正大端
公之氣宇和藹春陽公之逸趣雪月風光公之穀似蘭茁桂芳
百世而後長發其祥勒名於石地久天長

文選司主事

吳寧 吳昉撰文

太僕寺丞前文華殿中書舍人

隕城 金滉篆蓋

賜進士觀秋官政

句張 章韶書丹

Blank page with vertical lines and scattered ink spots.

祥十一公諱俊傳

禮曰竹箭有筠蓋竹之爲物勁節虛心所由比德於君子也然君子亦有托此以自見者倍磊陳君彥秀尚志士也以竹軒爲號一時縉紳士大夫咸作詩贊以贈其仲子邑庠生惟勤謁予請著爲傳予知其先世有曰垠者任松陽教諭曰鏞者任徐州知州曰鏗者任潮陽縣丞曰鏞者任厯府同知皆其嫡祖也厥考睿之公適志田園不預外事安人陶氏生君諱俊字彥秀崖岸不羣綽有大志作事必謀始出言必顧行每以弗克顯親爲恨安養二親務極婉容承順適其性情勤於樹蓄資產饒裕鵠起輪奐數十餘楹顏其正寢曰同壽堂日具甘肥戲舞綵衣克盡爲子之職至於奉先祀事必誠必潔不敢有慢其處宗族事長則彬彬禮讓與幼則恂恂友愛克敦族誼親戚往來之禮無有少失至有貧難緩急來告

爭原集卷四
者樂助之弗吝遇有橋梁道路圯壞者恆捐資修葺之嘗施衣棺以濟艱苦或有尙氣者婉轉好言以開導之人皆心服其德其在教子則歲延明師或負笈遣從俾知義方務期揚名顯宗以酬報親之願斯真直方自矢而能脫然於風塵之外者矣厥配朱氏總理內政克相夫子婦儀母道實兼備焉生三子長曰惟正次曰惟勤三曰惟榮孫男十六皆循循雅飭君子非池中物他日必有穎脫而出者足以驗彥君之庭訓也昔衛武公暮年好學尙作淇澳之詩以自警然則彥君之以竹軒爲號者其殆此物此志也夫因著於傳復爲之贊曰繫其操履惟竹堪比不畏雪霜孤高足擬直幹處心笙簧通理著爾高標德稱君子

步治十五年歲次壬戌仲冬月吉旦

賜進士慈水桂

讚書於慈湖書院

祥十七府君諱武暨祿三十府君諱虎三世考妣合傳

夫譜之記傳實行也實行者何孝與節也今予一門三代節孝雙全會修家乘而無一言以記之是亦人子之過也因爲之記其實焉吾曾祖祥十七府君諱武者素性存厚誼篤彝倫有姪諱肇嵩者誣以人命將償罪不惜百金之費援之出獄又與堂弟貸於市聚粟連倉毋佔便宜其輕財重義姑爲闔族之所欽仰者也安人朱氏生伯祖吾祖及祖姑三伯祖諱龍善治家克繼先業吾祖諱虎少聰慧有志學業時稱二難良不愧矣祖母卽曾祖母之族姪女也年十八歸於祖生吾先君甫三歲因葬曾祖墓被庸師誤觸方道伯祖與祖相繼而亡曾祖母指先君向祖母而泣曰吾家婦無出早故今家男仲男俱故吾門三世其在此矣况吾中年居寡今又年邁而汝也芳年失偶其將何以處此哉祖母挈吾先君大

慟以致流血日誓與姑同撫是孤敢有他心乎於是姑媳熒熒立志堅守以撫先君自凡婦道無不備盡及制滿或勸再醮者祖母聞之唾面曰欲奪吾節勝取吾級耳敢以傷風化之語來污我耶後此絕無敢言者至嘉靖初年創構堂宇見之者莫不曰女中丈夫及吾先君長亦聘世家楊氏先君欲報曾祖母祖母撫孤之恩服勞奉養無小懈怠或稍有疾延醫救治晝夜扶持幾廢寢食吾母相先君共事祖母與曾祖母溫情定省無虛朝夕如此者將二十年會祖母以高壽而終先君拊踊痛哭呼天欲絕予時雖未之更事而其哀痛迫切之情狀至今猶想見也乃未幾而先君又逝世矣生吾兄弟六人妹二人迴思昔日囑予等之言曰爲子以孝爲本爾等當體予心毋忘祖母與母之苦心如是吾死亦瞑目矣彼時猶未知斯言之痛也今則其堪追憶乎於是母率予兄弟敬

事祖母凡事必躬親之如此者又十有五年祖母亦以高壽而終
享年七十有五則殯殮瘞奠之禮亦如曾祖母也先君存日止予
及兄就室其姊二嫁一餘皆母爲之娶爲之嫁獨力乃爾可不謂
相承曾祖母而克嗣其徽音乎時值隆慶壬申十一月上浣四日
正母七旬設悅之日姊壻等及甥登門慶賀吾兄弟子姪男婦百
有餘人母謂予等曰今日之事誠可喜矣雖然汝祖早謝世汝父
甫三歲賴汝太祖母及祖母撫之至有汝等倘一不爾吾門祀事
其誰屬哉嗚呼今之所可喜者實皆其可痛也其可危也越三秋
而母壽終內寢予兄弟痛貫心骨賜吊者見予與兄皓首侍靈出
語人曰將七十之男而司將九十之母喪可謂有德之門必得其
壽也又曰昔爲孤寡門牆而今也爾熾爾昌爾壽爾藏豈非天不
負孤寡之德而有以隆其報也乎爰輯所聞而約略記之以昭茲

來許云

萬曆丙戌年孟冬月

吉旦

任台州海門衛千總會孫彥良百拜謹記

勤一諱達公傳

班固云棲遲於一坵則萬物不好其志漁釣於一壑則天下不易其樂豈不爲一世之高士哉倍磊之陳君尙隆者卽其人也自幼沉靜簡默天性樸素課農力穡教子義方施政於家優游桑梓當嚴君有疾時躬治湯藥久無怠意旣而病革醫禱並行不愈而卒倉皇呼號水酌不進奉母吳氏安人盡其孝敬其處二弟極其友恭賓客至家款留備至凡道路橋梁修舉廢墜之事捐貲樂助或有勸以功名者則曰隱居樂耕榮辱不關優遊於光天化日之下安分以保餘年吾志足矣生於正統丁巳十一月十一日子時今年六十有六尙康健無恙厥配楚府教授俞道英之女生於正統丙辰八月二十六日午時克盡婦道眉壽偕老生五子女一本邑季釗卽其婿也孫十三皆鸞停鵲峙循循雅飭此非君德之隆

身...
易克致此子與君有斯文之雅宜有是傳以昭諸後俾其清風高
節傳之奕世而不泯焉既傳又從而贊之曰

繁惟其德如珪如璧企慕其行冰清玉白軒冕無心樂於泉石
福我善人天壽平格桂子蘭孫簪纓奕々高士清風百世不易

宏治壬戌年仲冬月 之吉

賜進士出身中憲大夫奉 勅兵備湖廣按察副使越東馮鎮撰

勤三諱通公傳

且古昔盛時治隆於上俗美於下生其時者無不修德尙義型家
化俗其子孫世守不失如唐之張氏五季之陳氏宋之孫氏陸氏
其風聲氣概豈不足爲世勸哉今倍磊之陳氏尙亨其事有可述
者溯夫陳氏之世系也太邛之裔奕世簪纓不乏其高祖德明公
曾祖大有公祖得祥公考文顯公俱忠厚成家其母金華任徽州
府同知吳仕亨公之女也生君諱通字尙亨言則溫醅行則愷悌
事親克盡子道處季克敦友恭凡百役賦以身任之與季各居任
其所取嘗膺萬石長遇歲歉細民有賦稅不及者輒以己貲貸之
待其成熟來償宏治壬子大叅韓公郡守郝公下邑勸輸公
卽慨然納粟賑濟郡邑援例恩授冠帶以榮其身至鄉里
中有善相勸有過相規或子姪有不法者升堂數責必待其謝罪

而退平居素履有如此生於正統辛酉閏十一月和五日配田心
王氏克盡懿美生四子一女適雙溪沉珏孫男七孫女一曾孫男
一俱修德尚義克承祖父之志何其報施之不爽哉宜有表以傳
之又從爲而之讚曰

以德自修兮衡泌棲遲廼敦孝友兮家政克施勇於尙賢兮各
譽四馳恆濟饑饉兮弗吝乎貲榮膺冠帶兮

恩沐雍熙天佑厥德兮慶衍螽斯是宜得傳兮掄而揚之

宏治十一年歲次戊午仲冬吉日 慈湖居士桂錦宗素著

勤九諱真公傳

陳君名真字尙元因居錦溪之傍卽自號曰錦溪君與予有莫逆之雅請著爲傳考陳氏本媯姓乃太邛長之後也簪纓不替代有
人文顯考文顯公安人吳氏乃金華任徽州府同知仕亨公之女也生君兄弟三君居季自幼知覺異常稟性聰敏能記誦詩書以及羣經子史每日與二三知己坐論歷代出處以博意趣其於鄉黨中恆樂施予葬其不能葬者十數婚其不能婚者四五至有忿爭者勸解和釋人多景其德而懷其惠焉處兄弟克盡友恭藹然和氣之可掬奉先祀粢盛豐潔必敬必誠厥考壽終衣衾棺槨悉遵於禮後奉安入吳氏甘旨寒煖侍養必求合夫歡心暇則課農畝畝引泉灌花樂琴書以消閒仗詩酒以怡情徜徉山水以享昇平之盛嘗曰人生天地愧無才能裨補於世惟願桑梓優游遺安

於子孫則身後無慮足矣惜乎天不假之以壽享年三十有九而卒於宏治辛亥八月初九日也距生於景泰甲戌六月十九日安厝於橫門岡之原配周氏有懿美生一子名瑤庶一子名瓏女金適赤岸馮志孫男一君與予交久此傳作於存日越數歲乃亡其子瑤請書傳於譜遂援筆而錄之并爲之讚曰

性稟聰敏質兼柔剛行誼卓越篤實輝光傲雲泉以遊戲卽邱壑以徜徉清却松林之籟華標雲錦之裳惜乎天不假之以壽而遽爾云亡恭贈是傳以表之其德將歿世而揄揚

宏治十一年歲次戊午仲冬吉日

慈湖居士桂錦宗素書

勤十三稱四八諱金公傳

公諱金字廷尊東溪其別號也大父智六一府君父聰三府君母楊氏生四子公居幼公之先奔世積德至公而大起鎡基公之素性質樸不驚紛華治家惟本業是務行亡以仁厚爲懷不敢以家世豐厚而稍卽於惰也嘗謂心田百世耕之而不盡每樹德以爲子孫長久計見有困苦者卽樂施之好善不倦晚年快意林泉以壽考終如是而已娶朱氏秉性貞淑閨內之德靡不備具子擬燕山善繼公志稱克肖焉一女適塘下洋金男孫十五咸繩祖武女孫一曾孫無慮百數嗚呼盛矣夫積善之家必有餘慶公乃修德於亡而桂馥蘭馨家聲克振則天之報施善人一何當耶書曰皇天無親惟德是輔公之謂夫

萬厯丙戌孟冬朔日

繡川逸叟譔

身居尔君臣且其言前全

身居尔君臣且其言前全

身居尔君臣且其言前全

身居尔君臣且其言前全

身居尔君臣且其言前全

身居尔君臣且其言前全

身居尔君臣且其言前全

身居尔君臣且其言前全

祿十五諱惟正公傳

公諱惟正字中之世居義烏之倍磊其父號竹軒先生以逸德著公乃善繼其志焉性好善與物無忤挹其丰姿如入春園令人可愛而不可舍尤喜文學凡聖賢格言有關身心者必懸諸四壁以自警故動息寢食常欲以前賢爲法且諱匕然舉爲子姪告惟恐其輕率怠惰而相習爲非也又慮無以諭諸族內於是與宗叔父潛庵先生等出白金五十兩倡議建始祖祠俾族中興禮義知孝敬以敦仁讓之風至拯困扶危解紛排難凡力所可爲者皆身任之而不辭其瘁者也鄉人於是盡感其德郡通守汪公聞其賢先致善民辭及既見優獎再三欲爲之作善民亭以勵鄉邦復書樂善二大字以顏其楣故人皆稱之曰樂善翁云

萬曆丙戌孟冬吉旦

大理寺左寺丞東崖虞惟明謹記

Blank manuscript page with vertical columns and minor markings.

祿三十一 諱世育公傳

陳君諱世育字惟養益十四公之孫祥二十一公之長子也其祖若父德行高尚善於居家今公承祖父之德光偉正直古道是敦持身以勤儉爲本交遊惟禮義相先循循然惟恐墮前人之風範邑侯楊公聘請賓宴輒辭不領於時親友強之謝而告曰 朝廷設鄉飲之禮所以待有齒有德之人也吾年雖逾七旬而德不堪豈敢受此殊禮其謙謹如此則處事可知矣生三子幼子諱成敦重端慤孝友出於天性處事詳審精密公時飲酒卽命幼子傍酌之諭以修身齊家之道成則唯唯領命心識之勿忘慨然嘆曰興吾門者此子也於是鍾愛甚篤後果恪守先規忠信孚於四方誠哉知子者莫若父也公配宋鄉賢諱元龍公之裔孫女克全四德孝事舅姑晨昏定省毫無怠意一女璣適東邑洪塘庠生郭侯卽

其壻也孫男九孫女二曾孫男四曾孫女二所謂積善之報必在子孫理固然矣故備述之以誌美云

萬曆十四年歲次丙戌孟夏月吉日

同邑眷侍教生胡天定頓首謹撰

誥謂武略將軍祿三十二稱三三二諱惟榮公行狀

公諱惟榮字顯之別號樂義世居治南倍磊著姓陳氏公幼時志氣不羣語言不苟卽有長者儀度及長容止淑慎局量寬宏取與間以義爲質而母朱氏安人見其資產不若二兄之殷欲以父蓄私益之公辭曰利固子之所欲然待兄而有欺昧之心此則惟榮之罪也母因是嘉其爲大器後果家業充拓齊於二兄其爲人之正大亦可知矣且公後嗣之良長曰銓次曰綵三曰綬四曰紅五曰練六曰約幼曰純官各子鑿任三屯營守備則其奕耀光前謂非公德之所由致歟配木橋朱氏 誥贈宜人有婦德孝敬宜家義方教子舉凡麻枲機杼之事箕帚蘋蘩之任以身先之爲諸婦倡舅姑感其孝妯娌挹其和卽媵妾家人亦胥讒悉泯稱爲女中丈夫誰曰不宜爰叙其事而爲文俾爲子孫者是則而是倣焉

萬曆丙戌年孟春吉日

大理寺左寺丞東崖虞惟明拜撰

祿三十八諱孟高公九十壽序

陳氏六石翁者予伯姆舅也嘗侍伯父道翁之賢日翁事親孝處昆弟友教子義方其志氣豪邁迥不猶人故人有野鶴鷄羣之喻邑大夫羅公聞其正直召問典利除弊之端條對咸宜公悅禮之厥後沈胡諸公凡有難處之事咸資以決嘉靖初胡公患吏胥姦猾交隱糧差賦役不均貧民困瘁欲清其弊而未能遣吏召而問焉因告以每年丁糧先期總十年之數藏於官遇里甲軍需徭役之輸取預定數核之以驗其實於是吏民畏不敢欺而賦役均貧民賴焉胡公因之交厚率寮屬造其廬爲其父力山先生壽盡歡而歸郡通守高公臨邑定圖籍民紛爭不能禁公召令馬公問曰十年清理丁田國之重事今百姓紛爭不服須得一民望者同參酌之令曰非某不可公卽遣人召主凡所處咸資焉事竟通邑

咸稱公之才智其所聞於伯父者予固誌之而未嘗一日置諸懷也予既宦遊別二紀翁之年杖於朝矣予伯母垂白在堂命予兄弟百亨百順稱觴往慶預走簡屬余爲序余不敢辭夫壽者德之徵有德必有壽固其宜也翁之長子名守仁聲聯鬢序次子名守經好禮謙恭以及蘭芳玉潤充溢堦庭則子孫之多且賢者非皆翁德之所由致也哉予以王事不及往賀爰述所聞而紀其實爲之頌翁壽於無疆是爲敘

隆慶元年孟冬之吉

賜進士第嘉議大夫兵部右侍郎兼都察院右僉都御史奉

勅總督南贛江韶前大理寺卿

堯山 眷生吳百朋頓首撰

祿三十八諱孟高公暨禧三十四諱守仁公父子孝義合傳
聞之事親必以孝用財必以義此二者處常易而處變難古之稱
孝者有蔡順脫母難於賊人之手而其孝可風焉稱義者有卜式
輸財以助邊難之臨而其義足重焉然其人有於一時難而得諸
一門尤難萬厯二年五月初旬署義烏縣事進士大尹梅公奉巡
按御史蕭公移文廉訪奉義通學生鄭惟明等呈舉倍磊處士有
陳孟高者暨子生員陳守仁父子之間得二人焉孟高明夫義者
也守仁純子孝者也時當嘉靖三十七年八寶山開礦處州體潛
訐聚萬餘人擾動居民 縣主延陵趙侯招募義士勦除礦寇孟
高捐金三百餘兩仗義應募挺身往督率近山居民對壘陷陣
一時失足喪明守仁痛其父之被難捐軀赴救礦寇追擒百姓賴
以安堵事平授以戎事而高堅辭不受年踰八旬而守仁待養以

終焉夫捐金應募義之以勇顯也痛父往救孝之以變見也以父之義而適成其子之孝以子之孝而益顯其父之義之不忘君孝不遺親孝義兩全一家胥慶此之謂也以視蔡順上式不亦後先輝映乎哉予忝司鐸旌揚孝義以植綱常故忘其陋僭而叙之以

勵世風云

萬曆二年夏六月上浣之吉

鄉進士掌義烏縣儒學教事陞湖廣武昌府興國州學正

東廣 梅田謝表拜贈

祿八十諱嘉正公行狀

東塘公諱嘉正者少負氣節卓爾不羣時先翁逝世公年甫十六
卽任家政人皆虞其柔軟公獨治之有方事寡母孝處昆季友體
貌魁梧志量坦夷宅心仁厚操行醇良誠足爲範俗之師表也公
配王氏婦道咸蓋生一子諱天榮英年逝世其媳王氏青年矢志
孝事舅姑孫男二長洪春尙仕襁褓次洪秋乃遺腹之子也公以
愛子之心轉而愛孫教養罔不周悉迄今成人克肖成公盛德之
所暨也孫女一曾孫男十芝蘭玉樹森列庭堦公今享年七十有
二矣夫婦眉壽偕老踰耄而期正未有艾也噫公少喪先君壯而
喪子其遇抑何窘也雖然公厚於德而窘於遇吾以爲遇之窘正
天之所以玉成公之德也爰跡其生平實德以爲之序

萬曆甲寅仲夏月吉旦

太學生外孫金成之頓首拜撰

椿二十一諱昌公六秩壽序

竊惟天地儲精而人生焉地靈而人斯傑有自來矣嘗觀我邑之
倍磊山層原曠土厚水深生斯地者意必有制行純謹典型足式
者乎福庵公蓋其人矣公諱昌字子文大父世玉先生輸粟賑饑
恩授冠帶父仕忠公有令德公其冢嗣焉公生而方正素性質樸孝親
友弟接物謙和遇有艱苦必多方以存恤而人因咸服其雅量性
寡交惟延師課子冀其成立居常以菓木魚鳥自娛紛華功利不
入於心區其前堂曰積善後堂曰餘慶蓋修德於身居易俟命其
素志然也至其所殖業皆膏腴其卜佳城也務久遠之計其括居
宅也無苟且之圖公之一生躬耕樂業怡養心志如此而已公配
宋氏繼楊氏皆有婦德克相君子四子咸倜儻克家男孫奔奔甫
盛俱賢且穎後來正未可量也嗚呼仁者必有壽有德必有後公

鍾山川之靈秀而克修厥德吾知公之壽固非可以支干計也元
旦五日乃其懸弧之辰請以是頌之

嘉靖丁未春正月穀旦

賜進士第文林郎潛崖李鶴鳴拜撰

鄉進士登仕郎知交東縣事眷生黃瑚仝頓首拜賀

椿二十二諱樞公傳

天道無常常於有德倍。磊陳公諱樞者孝友根乎天授慈惠本於
此成持身則不雕不琢處世則必信必誠世以耕織承家娶二十
八都胡氏淑慎柔嘉嚴治女工相夫以道課子以勤家政肅如也
舉案齊眉享年八十有一生三子一女長曰琅克肖於公娶磐石
了氏孝事舅姑次日玕幼曰珠一女潭適後塘王孫九曾孫三十
有一元孫五十有三華封祝日多福多壽多男子公其有焉昔東
軒公諱榆等建大宗祠於街心鳩工飭材此事必咨於公公惟竭
力以贊其成績著碑文茲不復贅萬厯甲寅會修家乘曾孫仲庠
等述曾大父之行誼乞予一言以紀其實予幼在師塾嘗見公之
扶杖悠游藹然光霽鵠髮童顏笑容可掬真治世之善士上古之
淳民也因付梓以垂不朽云

族孫思敬讓

會孫仲庠梓

儀二三諱璋公傳

儉美德也鄭子展以儉壹世其家則家之需於儉也豈待問哉倍
磊陳氏有諱璋字世宜號寶齋者每於此三致意焉公之祖文繼
公厥考達公世以儉德相傳公昆仲五公居季自幼履忠蹈信不
尚紛華長而經營家務亦惟樸素自持錦綺之衣弗衣也珍玩之
物弗御也夙而興夜而寐恆以不克繩其祖武爲恥然量入爲出
雖無冗費之繁而於宴賓奉祀之需必致豐潔以視夫儉不中禮
者不啻霄壤矣公之行如是而公之心則更有進焉者夫禮有以
多爲貴者原不得以簡略爲高而終非奢侈之謂也自古纂組錦
繡女紅以害雕文刻鏤農事用傷此二者國家之患也而况一身
一家之計乎公平甘垂誠子弟每誦司馬溫公訓子之言由儉入
奢易從奢入儉難則公於治家之法不幾深得先賢之旨也哉公

子三孫男七曾孫十有五俱克遵公之義訓厥配朱季二氏相夫
有道內外合德家其有不興乎公上承祖德下課孫子其規模宏
遠允足斯愛而斯傳矣爰錄其生平大畧而爲之叙

萬曆丙戌菊月吉日

澤溪應廷實拜撰

儀七 諱瑩公傳

公諱瑩字世輝別號東溪世居義烏之倍磊幼而好學卽有凌雲之志奈家事叢挫而有志未逮焉每自言曰勤儉起家之本匪勤匪儉爲不肖也詎意人與運仇中罹回祿兼之雀角頻興家業耗散殆半幸而天道循環不負勤儉之苦不數歲而饒裕勝前其處家庭幃和順克供子職兄弟友恭無闕牆之患夫婦諧和無反目之嫌下馭媵妾無失所也廣納賓客無失禮也娶山盤朱氏生一女適在城金琪繼娶胡氏生二子長仕棕幼仕源七自呱之能言教以數目方名卽能通曉記憶其聰慧有過人者及長果遵義方之訓克紹先人德業公於是一切家務支持之事盡付諸子自與安人優游晚景以安享遐齡爲樂公之德如是公之遇如是豈容泯沒無傳以爲後人勸哉謹按其生平以爲之傳

鄉進士登仕郎知安東縣事眷生黃瑚拜撰

儀八諱琬公傳

公諱琬字世用號樸庵稟性沉靜言笑不苟待子弟接賓客威儀儼然若有不可近之槩而其胸次灑落則又有異焉者平生樂寄山水常有脫塵之想於居之南園蓬萊勝景以自娛曰人生貴適意耳何必屑匕於各利哉生平高致類如此時見宗族渙散思有以聯其恩誼乃謀於宗叔潛庵先生與宗弟樂善翁曰族之不睦由族遠情踈不知一本故耳欲救其弊莫急於建祠修譜二者而已潛庵謂曰汝有成祖睦族之心肯捐貲爲首事可成矣輒與樂善翁各出白金五十兩爲宗人倡卜地建始祖祠及修譜牒謹蒸嘗之禮萃渙散之情自始至終不辭勞瘁族之父老莫不曰樸庵之殫厥心如此誰非子孫可不從其所率乎於是翕然從之踴躍爭先咸嘖嘖稱公爲慷慨知道云公享年八十有六 邑侯奉例

恩賜冠帶安人王氏王蒲潭元龍公之孫女也稟質貞淑克盡姆儀奈
天不壽年四十六而終生三子曰仕悻仕懌一女貞適松門龔滂
厥後繼娶金華白溪金氏治家勤儉撫養有方相夫君而式昭敬
順待悻懌而猶若親生又生二子曰仕懌仕悻偕老齊眉享壽七
旬有餘孫男十有四皆勤儉守業克紹箕裘於不墜若公者雖無
功名以顯其身而其優游泉石得一生以樂雍熙之休者豈不足
爲高世之士也哉爰按其生平行實以爲之傳俾後世相傳於不
泯云

眷生芝山陸九成撰

儀十二稱九三諱炎公傳

公諱炎字世良秉誠其別號也父諱達公母俞氏生昆仲五公居幼父母尤鍾愛之少卽岐嶷長而魁梧襟懷磊落志氣英豪蓋矯矯不羣者也持身勤儉雖家世殷厚未嘗稍有驕惰之心其待親友一以信義爲主時礦賊騷擾公捐貲倡義遂殲其黨境內以安宗人議建祖祠推公督率其事兼請其地以爲之基公以爲建祠報本人子所宜自盡之心地何吝爲遂從其請毫無愛惜比宗人有爭訟者公爲排解罔不帖服生平尤篤孝友與昆仲並首皓如因心益篤至耄年恩授冠帶詩稱純嘏易占餘慶公有之矣娶田心王氏秉性淑慎相夫克家公享上壽安人亦偕老焉生四子皆偉傑克紹家聲男孫蒸蒸然盛人皆以爲厚德之報云

萬曆丙戌孟冬之吉

卷生芝山陸九成撰

儀十七稱九八諱璟公傳

公諱璟字世聲號信齋世居義烏之倍磊原厥所自係太邱長之裔也公垂髫時卽知大本父時課其舉業恆言曰讀書不過明理耳親親本也但於其本盡心焉耳矣何必屑於舉業爲哉及稍長時晨昏定省不失於親怡愉孔懷不失於兄弟講和慈祥不失於妻子恩威兼濟不失於奴僕至於居鄉里事尊長以禮待幼少以誠言不輕出而所行惟慎所爲若此猶得謂公之未嘗學乎公生於成化甲辰七月初八日午時壽至五十七而終厥配雙溪沈氏生於成化乙巳三月二十七日亥時婦儀母道靡不備具生二子長仕情幼仕悅教以義方箕裘克紹孫男六孫女一曾孫男十有四公以勤儉起家外耕內蠶無稍逸豫志趣所存有如斯已其爲太古之淳民與抑爲今世之善士也因著之傳以昭於後

萬歷丙戌菊月之吉

澤溪應廷實撰

儀二十一諱琛公傳

耆英諱琛字世珍行儀二十一廼勤四十八公之第四子也幼岐嶷多聰穎能日誦數百言及長益好讀書古今事迹靡不羅列胸中每與談論往昔極其詳悉所言多出人意表然視功名勢利固淡如也承先人世業怡情泉石無事經營素性惻悞衣冠雅樸優游自得足跡不履公庭縣令趙公聞其名延爲賓介公輒辭曰鄉飲榮典也余僅僅守分才德未堪烏能當此乎固辭不就人以此愈重之因其築居麟山之下咸稱爲犧麓先生云安人龔氏秉性溫純克嫻婦道生二子曰誼曰誥皆勤儉克家二女一適本邑松門龔堯謨一適徐塘下徐光子英年先卒遺孤孫曰天榮曰天相公撫之稍成立皆俊偉克續先業公可謂有賢子孫矣他日昌大門問以光先人者不預可卜乎因并記之以爲傳云

萬曆丙戌孟冬朔

繡川逸叟撰

賀都統領陳將軍禧十四諱大成公捍衛元勳榮膺臺獎序
浙東寶婺之墟文武並茂而忠孝大節尤傑出於石樓繡川之間
陳將軍稟茲粹烈之氣著爲卓越之勳歷有可紀自其幼懷大略
嫻熟孫吳銳志虎雄劇談高論惟以清中原奠華夏爲己任赤城
瀕臨東海監司擬增揮使以作長城將軍不吝卞式之資佇秩雄
衛歲在戊午八寶山竊發趙尹震懼將軍爰集子弟指授方畧一
試戈戟而邑里以安督府旌異郡守賞金五十以酬厥功閱歲
辛酉奉部臺劄授把總四月平天台五月平仙居太平十月平
江西弋陽折衝之功播於大江左右部臺各以其勳著於薦剡
有曰忠厚老成率其子弟冒險衝鋒真東南之宿將有曰江浙奠
清戎兵無敵有曰先征勦於浙海屢奏膚功今獲捷於江西獨摧
勁寇

帝嘉其績賞賚金帛將軍感激思奮明年四月復平太平 部臺褒
錫曰威鎮三台全勝千里八月間亂檄馳三山四捷克復興化府
城再捷復寧德縣奪回永寧衛百戶所印二顆捐軀血戰親男死
之殄八年內訌之海寇靖三府大殘之莽土豐功偉烈挈全閩而
寘之衽席轅門嘉獎之曰四戰四捷蕩平福建因首叙其勳以上
於

天子加陞一級金帛賞賚有加明年還兵復爲台保障行檄優勸曰父
子忠勇素著屢獲戰功八月兵巡行檄優勸曰謀略出衆奮勇可
嘉父子各適其用乃議總理中營軍務九月 部臺復勸之曰才
識老練智略深長馭兵甚得其權心勦寇多收其戰績甲子十月
浙江軍門中軍都司缺員圻父題奉

欽依劄開將軍老成持重屢立奇功堪補領事七月侍御史獎之曰廉

潔勵亡操守清白納級雖當暮年領兵猶懷壯志率親兵以撲滅
礦徒生靈賴以全活倡土著以推殘賊寇威武因而振揚明年六
月青海已平全烏之民空國行戍將軍念梓里赤地輟耕擬歸行
伍且耕且練歲蓄軍需兼備入寶山竊發尋擬建言停徵闔省山
海民壯額餉該撫按會題

欽依減糧屯田又明年三月衢嚴流賊礦徒竊發警報烽至撼動大兵
奉調隨興征勦軍次遂安將軍率把總陳子鑾陳猷各部精兵與
賊交鋒俘獲燹除者不計其數餘皆傷殘盡夜奔逃次常山之英
蓉全衢震恐將軍一面進兵把截一面飛報 部臺行在請兵夾
勦勢乘破竹十三日餘黨殄滅無遺凱旋以謁於督府督府曰矯
哉維汝之烈明日督府還軍門官師多士詣臺願借畱將軍以爲
保障督府從之五日龐侍御牌獎曰練兵得法破賊有功合行獎

異命動支院贖以辦花紅牢醴盛張鼓樂導送公字多士躍然曰
平虎狼甚艱故南城有檀子則楚寇不侵高唐有盼子則趙人不
入徐州有黔夫則燕趙胥平今衢州有將軍則士女蒙庠武陵五
溪之行益以見伏波之豐鏢而李晟李愬之忠愈以張西平之有
子然則西平之封麒麟之像廟謨且將圖之嘻必如是而後可以
答捍衛之功請預以爲將軍之賀

嘉靖丙寅七月穀旦

賜進士出身通議大夫廣東布政使司左布政使前禮科都給事中奉
勅督學河南提刑按察司副使 侍生東溪徐 霈頓首拜撰

府學教授王 問

府學訓導董 蕪

仝頓首拜贈

大元戎都閩禧十四譚大成公六袞壽序

升陟之師呂望之壽何若采芑之役方叔之壽何若且食采受封山河帶礪子子孫孫傳之永久其壽又何若夫二老者豈偶然哉當是時天壽周武王受命矣必壽望爲之佐天壽周宣王中興矣必壽叔爲之佐詩所謂三壽作朋如岡如陵良有以也今

聖天子在位進六十

萬壽邇時南寇騷擾都閩錦溪陳侯出而平之維茲六月三日亦屆六十壽盛時君臣壽晉與試領之者莫不曰維天降監是卽武壽之望宣壽之叔也嗚呼盛矣維時僚友咸徵予文以賀予謂花街白水之捷侯之活我台人者實多茲舉也亦台人士意也侯幼時躬耕義烏八寶山下感時事吟梁甫有釣渭水卧南陽風及自礮徒造亂散余倡義勦之忠義之聲藉藉識者益信其不凡也比如聘

兩鬢皤然登壇揮羽號令森明時軍門欣欣爲得宿將東南局鍵
盡付之矣首功自余城下全勝始轉檄江西弋陽流寇胥平移兵
福建福清德寧等地復戰守三省十年之內奇功茂績鼎彝不足
勦太常不足懸較之鷹揚燹伐壯猷來威不相上下他如馭衆以
仁宣令以信處功以謙覘變以智登先以勇約束以嚴又皆與韜
畧合而於子女玉帛一無玩好此又廉靜足以養壽命之源者也
前薊門趙公一見稱曰師中丈人遂以營務薦今羽泉公來意欲
與民休息俟承之惟謹軍中小大不煩從之巡歷幾遍裨億夫役
吏民安堵如故情益歡投魚水是日誕辰官校兵卒頌聲如雷間
闔父老頂香盤牽牛酒絡繹不絕歌韻曲以卮酒進東望海天青
鳥書王母桃紫芝白鹿凡可以壽侯者亦若遺而至况脫戎衣而
着斑斕而戲於膝下又有總戎寶峯侯之賢其壽何如其樂何如

緣是知侯之年益高功益進廓清海宇食采受封若望若叔翊我
聖壽萬億是爲祝

嘉靖四十四年六月初吉

賜進士出身資政大夫刑部尚書前都察院右都御史

臨海鶴田蔡雲程撰

鄉宦 布政王宗沐

僉事王 鈐

叅政何 寬

尚書趙大佑

應大猷

給事顧宏潞

侍郎秦鳴雷

副使鄧 棟

金立敬

主事張志淑

項思敬

項 錫

員外應存卓

應光哲

廉使季一翰

知府吳炳庶

金立愛

許仁卿

知府孫 銳

應明德

舉人馮應麒

舉人秦德懋

秦光周

周鳳來

李 箴

戴興寶

張祉如

張大用

何如哲

林一煥

庠生應 治

應日章

應日新

應日就

應 冲

全贈

禧十四墓誌銘

余甫髫時聞錦溪陳公以韜鈐暨績行表當時聲施後世近來言兩浙之將才者必以錦溪公爲翹楚也錦溪公墓在楊村之陽尙未及銘廼孫曰諱世科者志公往行甚悉屬余爲銘余不敢辭遂撮其本杪而志之按公諱大成字庭中別號錦溪家倍磊太邱公之裔孫邑庠生惟勤公冢嗣也公甫六歲輒失怙自幼性警敏志量過人識者奇之迨長持重老成能婉承寡母怡和伯仲以孝友著聞事關各義向往直前無少退怯間左有紛囂者胥質成於公公出片言析之罔不帖服然公膺力方剛識見超卓適本里八寶山礦徒烏集劫掠居民勢甚猖獗縣大尹趙公素慕公才望以爲非公不能安此境詣廬固請公始出授方畧捐千金募土著奮勇先登遂殲厥賊一邑賴以安堵皆公力也部院錄其功奏聞

欽授把總職統驍騎九千於本省地方練習聽調嗣後從大將戚討台州又平仙居太平諸路草寇及蕩豫章流賊斬將擐旗所向皆捷通記獲賊首千餘級提還被寇施倪幾萬人兵行紀律嚴明所過地方秋毫無犯公之威望自此大震矣未幾賊盜大舉入寇全閩告急公奉檄赴援四戰四捷先後興化府再復寧德縣公長子文漢死焉公喬梓捐軀赴敵屢立奇功烏傷義勇遠播邊塞明年授台州衛指揮僉事又明年轉兩浙中軍都司都指揮僉事公上台兵息久聚虛糜廩糧及建議回縣屯操遇警聽調深得趙充國益城圖略遺意當道是其議實歲減銀萬餘所著屯田政績遺於世公坐鎮武林而盜賊不敢竊發坐鎮三衢而四郊宴然太平

欽陞三省總捕都司尋遷四川疊茂遊擊將軍未及蒞任竟以疾卒卒之日四川來迎士卒慟哭而返兩浙兵校士夫莫不哀號爲之掛

孝部院各道使者至皆以爲國家失一長城莫不流涕萬厯丙申
間邑侯周公纂修縣史獨於錦溪公表入武功傳蓋非獨以才智
論固深嘉其休德也公享年六十有四配楊氏生三子文漢文澄
文漢戰死於閩文澄從父征討有功厯轉險塞遊擊凡四任女一
適山盤朱大噐續配傅氏無所出孫男八希文希明希哲世忠世
勳世科世彬世美希明把總希哲見任淮安府臨洪鎮巡司世忠
見任中路青山營千總世科應襲指揮同知世彬武學生孫女三
一適本邑庠生丁一治一適大園堯山之姪吳存禮一適浦江庠
生葉春華曾孫十四曾孫女三元孫十公行列禧十四生於正德
丙寅六月初三日巳時合葬楊村余以公崛起閭左兩世遊擊且
公姓振振皆武文偉噐異且隆隆鵠起詎可量乎遂爲之銘

銘曰

維公負異氣節嶢嶢智勇超絕公侯于城殲厥礦賊倡率義兵
乘絨盪寇淨氛息驚摧鋒陷陣東南振聲屯操裕國慮遠思精
令君象德秀挺田荆螽斯蟄々卓犖羣英樹石紀略青史光榮
萬歷甲寅季夏上浣吉日

賜進士第知常州府江陰縣事

眷生許遠道頓首拜撰文

東邑廩膳生賈宗簡篆額

孫壻邑庠生丁一治書丹

禧十四公祭文

維

隆慶三年歲次己巳秋九月辛未朔越十五乙巳。浙江分守金衢嚴布政司使右叅政張憲臣。浙江分守金衢嚴按察司兵巡副使毛鋼謹以剛鬣柔毛庶饁之儀致祭於。都閩錦溪公陳先生之靈曰嗚呼使君之奇也少以爲不如人長以爲無由伸及其老也功成一戰位列三司而保障數郡之黎民自古年高而建武勇之烈者千無一二君獨以六十而顯身匹夫而膺太平之爵者萬無一二君固當盛世以垂紳嗚呼如使君者所謂大之宿將世之虎臣威播慶積謝世遊雲天不斬於君人無負於君華夷著績史策畱芬憲臣鋼承

天子之 寵命旬宣屏翰分撫三軍使君以兵戎之詰共効一方之勤

忽聞君之計也誰其續此奇勳走牲幣以伸鄙衷君其聽我獻奠
之文嗚呼

尚饗

禱十四公祭文

繼

隆慶己巳冬十月既望

特進榮祿大夫中軍都督府右都督定遠戚繼光守薊門十閱朔
矣秋事且竣偶伏枕念故部曲戮力同心不勝疇曩之感俄而聞
人傳言浙使以尺牘至則四川遊擊將軍陳君大成所遣也余
方疾起而使若乃以捐館對不覺失聲傷哉傷哉發使五日之前
殞身五日之後若爲故人而今沒齒矣傷哉傷哉悲不自己揮淚
叙君平生暨驅馳狀能復爲余側耳否傷哉傷哉自丙辰以前有
寇犯吳越議練婺越人以充備禦僉謂罔克奏功獨中丞阮公決
策焉君時著各里中爲宗人所重余善之而未敢謂君能戎事婺
越人懼軍政咸爲必先得君始有應檄者余謀義烏令趙公以驥

幣往君幡然出屬余部檄士雲集既成盟方焚盾神之牘忽乘風
起墜君所予竊卜君之應奇兆也已而教習稍稍就緒辛酉有寇
復犯馭越率君等赴之遂大捷斬馘始盡衆僅三十輒分應之一
月幸十捷君之名駭起矣嗣後禦寇於海上諸郡戰輒勝悉婺
越人也遂罷徵天下兵是年冬從余平江右寇壬戌又從予援閩
一戰而復宜德再戰牛田林墩賊乃據橋恃險君部中陷陣死者
九十餘人然無一回視賊遂棄橋走盡殲之閩十餘年來山海積
盜靡遺矣次福清復破賊於上逕始俱還授君守備君之秩駭下
崇矣未幾寇復至君爲制府所畱惟遣子弟入閩已乃聞障寇之
捷晉君總捕都指揮喜而不寐君常懷敵愾而鎮之以靜徽衢兩
境頌君長城朝議偉之君乃不起傷哉傷哉先是肅入閩予集
義旅皆以良家子從戎復殘城躋樂土躋之烈川至日升由百

夫長以至偏裨咸著厥聲卽行伍不忝于城之美丁卯予奉召
北旋不二年間或戕戈矛或嬰笮罟後先繼逝回首不啻晨星完
名全節以正而終惟有君耳又能不爲君慰哉君名與秩並顯垂
之疆場炳之旂常爲烈丈夫况有賢子孫次第成立皆能衍君之
業高大門閭其亦可以自慰矣余薄劣荷國至恩謬兼薊事兵
食俱廢齟齬相仍寇動以十餘萬衆深入五尺報主之身未
知膏塗何地顧不負所期耳昔別君而聞悒悒不樂今別君而薊
悒悒滋甚皓髮蒼顏尤稱嬰鏢謂遽有幽明之睽隔乎傷哉傷哉
有淚如泉南向飛灑君固鑑之痛夫何言嗚呼

尙饗

Vertical columns of text, likely bleed-through from the reverse side of the page. The text is arranged in approximately 15 columns, with varying lengths and some faint markings.

禧三十四諱守仁公大表壽序

歲之甲戌余備員使署從弟應選自南來數朝久同起卧明年春
選將以臺掾行乃請曰選之姑子陳子安甫別號南屏前癸酉季
冬月十四日壽六秩選兄弟將進觴焉惟兄惠一言以祝之余方
有事於楚而未逮也及返役取道歸省選兄有曰達者請亦如選
言其略曰陳君少業儒聲溢膠庠君先翁諱孟高別號六石慷慨
負大節嘉靖己未年間礦賊竊發遂捐家貲百餘金招率義旅驅
礦盜有功井里遂授千夫長屢從大將軍勦賊所在皆捷因病於
目君侍湯藥歷二歲月不少懈怠時邊釁四起家赴戶應布衣而
肘間篆者不下數十輩大半出於其族棖桷連雲金緋耀日譁然
閭里稱榮而富族俠少不憚傾產爭營雖學士文人亦駸駸投筆
起君在綺華中獨奉例受儒官皂袍革帶紆如也惟茲誕辰吾兄

弟無能資壽幸為我張之余聞之仰首嘆曰有是哉陳君誠可壽也習俗移人賢者不免以我烏之競武弁無問各家流惟鹿是逐至陳族尤多其間膺上賞拜榮封赫々昭人耳目誰不躍然向使君一入幕又當冠諸弁也乃寧此恬約不取薰灼即此一節已超流俗抗立物表若國優游哉笑傲林邱泉石間與造化為徒也壽孰踰於是哉况蓋老而和順自積數奇以義命自安引年履福誰止極之余特次第其言奉之以為陳君壽

賜進士第修職郎行人司行人

眷生日池冀一清頓首拜撰

姻弟冀希勝

希達

應遠

一澗

姻姪冀邦佐

邦佑

邦儀

邦佩

邦儼

邦儼

同頓首拜贈

三屯營守備禧五十五諱純官名子鑿公序

夫烏傷當浙上游峻峪南峙長波北榮類多慷慨忠義士而仗劍
從軍出奇樹績者率以烏傷爲首稱前溪陳將軍烏傷人也少遊
藝林有大志常舉邑掾昂然自負曰蕭曹起刀筆爲漢元勳男子
生而志四方不駕長風破萬里浪非丈夫也適礦寇騷擾八寶鄉
邑張皇將軍從良家率宗人鼓之殲其黨類境內安全由是義勇
聞當道而天下始知有烏傷頃之烏倭寇赤城諸衛士承平日久
罔不望風披靡時戚令公募烏士平之將軍仗策前驅爲士卒倡
乃奏大捷於白水洋已而江右弋陽賊發移兵追勦將軍身親鋒
鏑而奏鉅功繼從戚令公於閩復興化之陷城殲牛田仙遊之遁
寇所在首功仍移鎮衢嚴蕩除流賊計其斬俘前後亡虜千首時
較同事之汗勞未有出其右者令公條其績於司馬門司馬上績

闕下陞授松門衛千戶錫之

誥命贈及祖父世守不替蓋序

功常秩也東南既靖當事復計西北詔威令公經理昌薊以將

軍總練南兵飭器撫士罔不精密士卒咸樂為用寇一入界口將

軍鼓之於沙坡斬獲無算足振薊鎮已索之氣而邇來北門宴然

將軍之力居多也上功幕府陞授指揮同知再錫恩命隨擢

將軍為三屯營守備余因贈言以張之夫男子起閭閻志功名從

戎而靖妖氛匡王國功在生靈勳在竹帛榮及先人慶延後嗣斯

亦大稱生平偉丈夫矣然余覩將軍慈貌惻惻恂恂如書生而胸

中百萬譚吐申款固以屠龍之氣而陶於詩禮之風者行將追跡

蕭曹功名勳業曾未少展及見將軍冢嗣諱文沐者魁梧卓犖綽

有父風結髮從將軍經理南北積勞有年則踵武而擊戎功將軍

之福祉顧安可量乎愚不揣鄙陋試叙將軍生平行畧并贈七言

一絕書之以俟後日

汎掃煥烟海晏清

策鞭歸覲馬蹄輕

將軍奏凱元封日

遙聽龍樓鼓角聲

賜進士第中憲大夫奉

勅整理大同等處地方兵備山西等處提刑按察司副使灤陽治

賈應元頓首拜譔

禧七十諱以成公傳

公諱以成字克美父諱世育公母朱氏係朱鄉賢元鵬公之裔孫
女生公伯仲三公居季也自幼稟性穎悟賦質聰敏其志趣固卓
越於人也及壯父鍾愛之居家以酒爲樂嘗命公傍酌之卽訓以
義方規以六順惟公能紹之也公存心仁厚處事精詳持己以莊
接人以和忠信素孚孝友夙敦嘗自言曰人生貴適意耳做廬足
以蔽風雨瘠田足以給饔飧何必逐々於勢利哉公之不慕顯榮
有如此噫先公之鍾愛於公者固不謬而公之克紹於先公者亦
無忝矣晚遇朝廷恩例旌公之行樂之冠帶時年七十有餘
公之壽固公之德培之也安人宋氏婦道克盡同壽偕老生六子
一女適金邑誼卽其門壻也孫男九孫女四曾孫男四曾孫女一
咸服家訓箕裘事業悉佩公之訓而力行之不啻公之承先公訓

也賢賢相繼非公之盛德曷克臻此不佞忝屬至親熟知公行素
多公之令德而更多公之賢子孫也遂忘其陋而爲之傳

萬曆甲寅孟夏穀旦

邑庠生 眷弟王紹經頓首拜撰

邑庠生 眷弟金錫之

楊國禎

楊魁惟

邑庠生 眷姻晚曹一諒

子婿曹一誼 仝拜

禧八十諱大紳公七秩序

余伯祖身庵翁愛小姑賢難其配祖母於內媼擇得陳君桂川嬪
焉君少英邁習文學既而諳韜略任江南把總已樹奇績擢薊北
千戎更著賢勞因久淹解歸閭里定志幽棲君族中武畧奮揚服
朱紫者弈弈不絕君獨彬彬然蒸於文雅故身退而望彌重也今
春年七秩矣二月十九之吉爲翁誕辰親賓咸賀壽姪存廉君之
孫壻也將登堂稱觴拜祝請文於余余惟君初有志四方旣而完
眞養素其有壽道乎銘劍鋒藏良璧美韞春虞其缺折蒼松翠柏
蟠壑處幽樵斧不及故厯千百年而不易葉改柯君抱樸敦本怡
情養和其天全矣其性得矣壽殆未有艾乎余姑今夏亦七袞賦
質溫柔德性貞肅齊眉匹休殆天作之合耶河東三鳳皆克振家
聲冢君懷桂卽存廉外父也少習舉子業因數奇乃投筆以忠勇

顯昔陳太邱平心率物二子難為兄弟忠書重之今君系出太邱
德望無愧二難不是過矣何陳氏之多賢也殆亦家傳之流芳歟
敢因祝壽而兼頌其德焉是為叙

萬曆乙未卯月中浣九日

陞授中順大夫廣西太平府知府 表姪直齋吳大紳

眷生 百亨 百順 百謙 百坤

百安 從周 承鏞 大績

大纘 大蘊 大纓 存恭

存忠 存肅 存廉 海全頓首拜撰

禧九十三諱天福公官名祿提調之寬田序

嘗讀漢武帝求茂材異等詔曰馬或奔蹏而致千里士或有負俗之累而立功名蓋言跡弛之士能善用之其報効迥異尋常也吾鄉陳君號兩川者殆庶幾焉少負不羈材卓犖超羣值妖氛熾於兩浙台湖杭嘉之間颺飛電掣大將軍戚南塘氏初以叅闡鎮赤城謀所爲勦者時官軍草偃稿落台湖幾不可爲矣陳君荷戈應募捐軀赴敵每爲士卒先一呼嚮震乃克捷君之聲名於是乎起遂從大將軍於閩復興郡殲牛田所在首功旋隨大將軍之北經理昌薊時值邊悍一旦肅命寇賊遁迹自隆慶來北門晏然無事皆君助之之力也大將軍戚公紀律嚴明獨於君不拘繩尺雖恣語刺謬亦不之計從最久勞最深而曩所共事事者大半專闡外君猶千夫長耳而殉國之氣依然勵烈亦不自憤一遇賢士君子

祝陳裨闕禱九十三號兩川公五秩榮壽五律一首

壯年挾寶劍 生與寇為仇 蜚氣驅南海 煨烟掃北陬

飲馬三千里 懸弧五十秋 未須奇李廣 談笑待封侯

日池主人龔一清拜贈

祝兩川眷丈五秩榮壽七律一首

將軍氣概冠當時 五十年來更自奇 閩海鯨波驅汗馬

薊門鎖鑰固金題 射雕弓力風雲羨 貫石剛腸日月知

盃酒且傾千歲曲 桑蓬端不負生期

眷生駱彥元拜贈

贈兩川陳將軍七言一律

越東倜儻士 學劍已多年 勲業標南土 威名震朔邊

風霜雙鬢改 日月寸心堅 願得狼烟淨 羣遊熙皞天

眷生葉化醇拜撰

贈兩川陳將軍禧九十三公之寬田提調序

聖王御宇綏德柔遠四方咸賓邊塵不警輔弼大臣尤靡忘戰之戒於各邊重鎮慎擇守禦爲久安計適薊鎮寬田峪缺守本兵廉陳公具疏各上荷

諭旨以公提調焉同鄉紹東養純龍泉謀所以壯其行督余言以張之余曰嘻將才之難也夫殺敵尙勇敢而任氣者多踈於禮若功尙謙虛而好禮者或嫌其迂是故能柔能剛能弱能強萬夫之望自古難其人矣以今所聞兩川公固浙之偉人也當年東寇犯浙蜂屯沿海衛士望風股戰屠戮之慘不可勝狀將軍義勇一呼遂斬渠首於白水洋之干乃奏大捷繼犯南閩興化城陷其賊焰如樊如林諸將目前且却獨將軍身冒矢石橫戈衝陣若入無人之境一鼓敗之牛田不旬日而城居完舊及守薊鎮幾十年與士卒共

甘苦挾纊飲醇忻々無怨沙漠無塵介冑不弛常欲吞妖寇而食
之卽伊吾之鳴劍何讓焉然其待人謙恭和煦恂恂然一儒生也
以斯而論將軍固以撼天動地之概而陶範於詩書禮樂之風者
今日提調之託蓋得之厯試之艱國家擇人而官不輕於一試也
如此余又聞寬田適當寇衝而提調一官最爲要劇撫士卒謹烽
燧嚴保障定節制軍馬練習出納清稽則邊寇之俟隙而動者惟
時時而防伺之一時備員鮮不曠舉而將軍勇而好禮何所不宜
語曰剽犀之刃靡不入矣駢驥之足靡不至矣是故勇敢則威謹
禮則飭威則不敢侮飭則不敢辱剛柔並用動靜適宜卽專城千
里可也而何有於寬田哉余嘗論邊將難其材乃吾桑梓得之可
深慶長城之有重寄矣兩川其勉之請以是爲序

外史氏曰兩川公世所稱豪舉不羈者也然余覩其行更覺悃謹云其功名建立序詳之矣請表其未及焉公少不事家人產業豪放無束然慷慨多大節知藏否有正言繩之者輒折節下之終身不忘從軍惟戚令公嘉其勇亦惟戚令公抑其功造就曲成靡所不至公嘗自謂生我者父母成我者戚恩府也意氣激昂願爲之死古人云士爲知己用殆非虛語比其馭士亦如戚令公之馭亡柔不茹剛不吐臨財不苟遇敵必先士亦樂爲之用以故所向首功嘗憤少不習學業每聞書史譚論古今事跡識肯首輒之有不解者不恥下問雅好斯文縉紳士大夫亦喜與之遊至其握手論心可語忘形交以故少雖任俠氣而晚年進修彬彬有儒風平生仕進無所營謀一以聽命迨其久淹邊塞而解事歸也權欣恬愉宛若布衣家事一切不問委之諸子惟脩舟垂釣與清風朗月爲

伍蓋飄飄有遺世之意焉一日宗人謁之曰吾族邇年來紀綱拓
落鮮克振舉報本亢宗之謂何惟公慕義無窮剛直不屈某等願
附於後而公任其重焉公始而謝既而憮然曰此仁孝所係之大
節也何說之辭於是出而經理祠事修廢舉墜解紛息爭宗人罔
不欽服咸謂公之歸晚祠事畢則復漁蓋功名勢利毫不入於心
矣居三年會戒令公有南粵之命過澱水公謁之江泝令公召與
俱行公固不事功名惟欲以死報令公未展萬一今有事南粵詎
獨不從遂嬰鑠從之時南粵宴然無事適 詔勦廣西諸洞僮賊
公挺身請往不特以身殉國且以報効令公也已而蕩平之上功
幕府會令公以物論回公亦望然歸終不以有功故而干進也性
尤重義故舊親友靡有遺棄嘗憫仲弟九聰不辜搆大辟竭力雪
之卒白其事比歸歡愈平生因心靡篤季弟九霄負奇偉每玉成

之因以武顯姪茂義早孤撫之不啻己子多方訓迪亦能成立踵
武蓋其重義天植之也嗚呼薄功名重恩義忠以殉國孝以奉先
自古難之而今乃得之不羈之士爲尤難已非質行謹敦孰能當
此者乎余覩世之誦詩書登甲第者往往乞憐昏夜而驕人於白
日彼其視兩川公夫亦可以愧矣古者憲者在朝則信史書之在
野則惇史書之余故跡公之行以自附於惇史云

萬曆丙子仲夏之吉

賜進士第刑部貴州濟吏司員外郎

眷生瑞陽朱湘頓首拜譔

Blank manuscript page with vertical columns and scattered ink spots.

禧九十三 諱天福公宗九百十五 諱守建公光裕堂記

斯堂何爲而作也吾緣大年做戲之不便而作也蓋自有後杭廟
卽古之南湖廟家譜村圖則曰牧野廟以來凡值壬午神像添裝
開光演戲屢在殿後桑園此地之不便也况遇風雪就要移入祠
中而分任不多大率半爲頭首其內外一身者要耐客又要抬箱
兩役難充此人之不便也後杭派祖惟宗九百十五 諱守建公稍
有盈餘長子慶八百十九 諱邦梁公次子慶八百五十三 諱邦魁
公各有殿口田一石光緒三年正月會同家長酌議權祭派工詣
十二月於二石田中豎造做戲屋五間無如木匠年輕筭頭不確
四年四月坐下中堂與東邊屋二間到六年而圍牆始得告竣派
下子孫仍復前祭逮十年三月託族算賬起屋用錢伍百多千借
居各家木錢貳百五十千零公議將吾手所置餘田督還各本尙

欠利錢而十五年五月此屋俱被龍風吹倒迨十八年又要開光
俳優無所因思堂祖禱九十三諱天福公誥授懷遠將軍官各祿
者元配朱氏係樓村人後公居岳父處至乾隆年庚賢百十四公
諱如松乏嗣僅留後金渡北邊橫瀆浴田二斗樓村破屋一間吾
父德馨公爲之經管比及道光年間此田十有七八年被水淤去
九年並無三熟卽豐熟年程亦只手提斗籃送穀十觔之數幸吾
會祖賢禮公拔有祀產三石落在何店畝中何店殷戶頗多爭買
吾祖祭出吾父卽將二斗搭去賣下獲錢拾千後將破屋賣下清
明冬至約全益十七公房長數人到墳墓祭每年正月初四益十
七公拔錢七百與伊上墳分給咸豐辛酉吾父殉難吾爲接手迄
今置田七石有奇凡屬姓陳並非百五公下多有認爲嫡祖者吾
乃嫡堂豈可不爲立主奈常資微薄不能獨建宗祠隨與益十七

公派下衿耆房長商量將天福公餘資照舊修造斯堂去錢壹百四十千零中間畱起大年做戲東間爲天福公寢室西間爲守建公龕宮十九年又與守建公全豎竈屋三間整治圍墻拍錢肆拾千文二十年春守建公派下勸捐桌祭贖回餘田並立神厨晉王生卒爲天福公祭祀春秋爲守建公祈嘗大年爲後杭廟演劇一舉三得何便如之斯不亦增光於前垂裕於後乎因而名之曰光

裕堂

皆

光緒貳拾叁年歲次丁酉夏月 吉日

宗九百十五公派下七世孫永來謹識

家長 友球 永正 久善 久柱

永卷 永奠 永興 逢茂

附守建公派下助桌名次每桌捐錢四十千文

邦梁 慶八百一十九 一桌
永案 長千五百四十五 一桌

邦魁 慶八百五十三 一桌
久善 端千二百八十八 一桌

賢禮 盛九百三十七 一桌

又給祭名次 每名捐錢四千文

聖壽 澤七百九十 一名
聖祜 澤八百九十 一名

聖祉 澤八百三十三 一名
聖富 澤九百八 一名

聖籌 澤九百十四 一名
聖詩 澤九百九 一名

賢祿 盛九百六十九 一名
道美 振九百八十一 一名

道瀉 振千六百六十六 一名
道境 振千二百一 一名

道綸 振千二百十九 一名
道載 振千二百八十七 一名

德推 賢七百一十二 一名
德亨 賢千三百三 一名

德馨

賢千三百四十一

一名

德臣

賢千三百五十九

一名

德言

賢千四百二十三

一名

德鰲

賢千四百五十一

一名

永祥

良八百三十一

一名

永滿

良千五百五十三

一名

文錢

良千五百五十九

一名

永察

良一千二百

一名

永宣

良千二百六十一

一名

永簫

良千三百三十八

一名

永奠

良千五百三

一名

永金

千五百七十

一名

久臺

端千三百六十五

一名

久交

端千四百七十

一名

久千

端千四百七十七

一名

Vertical columns of text, likely bleed-through from the reverse side of the page. The text is mostly illegible due to the high contrast and grain of the scan.

禧百二十八諱羅號見塘公之牆于嶺提調序

古今稱大丈夫者非起鉛槧則發身戎馬短褐而紆朱紫躡屨而取將印炳耀青史者尙矣此固機會有時要皆膽智殊絕非人所能爲也萬曆丙子六月牆于嶺關缺提調本兵以見塘陳君上之當立補焉薊西大叅戎諸公徵言於余爲之叙余梓里至姻也安可無言余思國朝鼎奠寰宇四海晏清萬民安靖垂二百禩乃嘉靖中年東寇犯浙閩海沿地方承平日久干戈襲繡橫羅鋒刃之危者十室而九負智勇者思飲血食肉顧未有以爲之倡繼時召募各省精銳士而我烏爲最烏之陳氏又其尤者見塘君挺身從戎到無虛亦諸賊勦殄並上首功始自浙之白水洋繼授弋陽浪溫等處隨調閩中收橫嶼牛田林墩平海仙遊等寇皆破竹之捷也君得馘俘更多他如黃倉平釣灣之斬紛紛瑣不能析論已余

嘗備考其功則次顛末則在閩海時。欽賞金幣者二福建陳代
巡保薦者一貌本中人膽量非常屢陣當鋒軍中巨擘乃大較也
以故戒將軍愛之若子一日不使離左右隆慶二年以指揮僉事
隨赴薊鎮守乘障復兼千總募兵駐塞卜僅十秋邊烽無烟耕市
如堵而牆子嶺一帶則又若金湯之固矣載稽邊臣薦藉閱視薊
遼三邊則汪司馬褒揚者一前總督劉今總督楊紀錄需銓者各
二仗劍從戎輸忠報國練兵秣馬勤勞王事而不辭其瘁督陣監
工委致身家罔知顧恤劉總制非虛語也奮身闖右戮力行間積
勞已久技藝更精汪司馬非雷同也江南已樹奇績薊北更著賢
勞食風宿露詎知靡室靡家戴月披星尙急郵軍郵馬楊總制則
考覈益精確矣夫金必經煉而真玉必待琢而良見塘君從戎二
十載身親數十戰斬級幾滿百顆已不知幾經摩練者矣。欽依

提調之任以固封守以護都城以嚴簡閱以撫軍屬顧肯輕以授人哉卽者督撫薦之司馬上之

聖天子允之見塘君榮且重矣抑亦可爲得良將慶矣余聞持重之將不厭遲鈍居寵之臣不懈謙恭君以堅忍屈節之操恪共厥職日積功勞余固以山西之將望之何今日云云余不能爲誇耀之辭特以誼係戚里持是言賀之可乎諸日可乃命善書者書之廣幅

萬曆丙子仲秋吉旦

賜進士第文林郎江西道監察御史巡視光祿

眷生虞懷忠頓首拜譔

贈見塘陳公禧百二十八任南兵遊帥序

國家以神武蒞天下宇內晏如猶厯々然顧邊塞之憂蓋安不忘危也況今者四方盜寇悉皆睥睨其間饑則麋至飽則鳥舉不謂無事矣或有負囊俠之資抵掌而談司馬穰苴不是過耳一遇告急輒瞪目而視於國家奚賴哉世宗時島寇南犯吾浙尤甚特命戒少保公往勦之烏邑應募而起者無慮數千惟見塘陳公以良家子與募慷慨激烈犁然當少保之心每對壘卽躍馬膺鋒罔不披靡且也繕亭障謹烽火修戎器具舟師一切預辦無缺不踰年而台州諸郡率以安堵公爲之也少保因寇毒閩乃攜浙兵赴焉陳公誓衆曰閩吾閩也無分疆界業在戎行義不避死一鼓而殲之吾願也衆唯唯而退俗遵約束奮勇先登橫嶼牛田等處俘馘奏凱俛聞之民釋溝壑而躋衽席公與有力焉督府上功狀

以聞爵賞有差我公受世襲指揮之職旣而率師來薊朔風凜烈
埃塵蔽天待士卒如一體拊瘡痍詢疾苦視其凍餒而衣食焉故
一時從者咸沾喜曰絕漠荒陬何幸有父母在也公之與士卒
同甘苦有如此當道擊節不置累陳薦剡授以將子嶺提戎悉心
殫慮城守惟嚴而醜虜遁跡則蒼赤舉安矣適南兵缺遊帥督鎮
難其人余謂非公材不可碩德望重係南人之心久矣下車灤陽
遐邇稱慶者翁如也公之寘屬沐愛且久走幣乞余言以贈余曰
薊門京師之咽喉也薊安則京師安矣文武爲相依附余方藉公
共輔中興之盛治敢以不文辭哉嘗聞之漢武帝時邊塞雖強能
使王庭遠徙封狼居胥以還漢之名將衛青霍去病直樹勳於一
方耳今公之南北建立者何讓之有哉拜壇之命會且旦夕下矣
勳圖麟閣皆公分內事也奚俟余言

萬曆八年孟春上浣之吉

賜進士第翰林院侍讀學士

會稽人康洲羅萬化頓首拜撰

贈見塘陳將軍禧百二十八公東征序

國家戡亂除兇必恃於將。顧命將者酌材授任不容以不慎。何者材各有其所長也。況當今日倭寇齟齬我屬國抗扼我天兵必欲滅此而朝食以舒東顧。憂食曰非見塘陳將軍不可。夫將軍者故戚都護裨帥也。自隨戚公殲倭閩浙已挺身血戰赫有聲名。累擢南兵游騎將軍。始爲漁陽中路兩爲西路所至勦馘爛焉。今奉

旨掃釜山巢穴。聞命抵掌將食倭肉而寢其皮何其烈也。夫起北地之甲而徵兵於南。搖旗騁雲揮鋒耀日。鳴弓而山崩飲馬而川竭。此正荆楚劍客逞技之場。而兩兵犄角助元戎之爪牙。建殊捷於雷電。千載一時也。吾聞汾陽裨帥若瑛璫輩。率能策勳胙土。稱唐名臣。以戚都護視汾陽。吾不敢定其品。詣若何而受戚都護之陶鑄者。則當以瑛璫自持。一戰擒釜寇再戰清倭島。使聞見者擊節而

嗚美曰猗歟將軍其繼都護而再見者耶雖然標銳可藉以取勝
南兵也易譁而難馭亦南兵也惟在統領之得其體耳狄武襄以
蕃騎破儂寇岳武穆以水賊平楊么顧蕃騎不可施於瘴癘之陬
而水賊難托以心腹而二公之所以彪名字宙者馭有道算無遺
也今南兵服將軍之威惠久矣練趨健之卒如雷如霆涉險出奇
身效無前之績此當一特簡至意也謹書之以壯行色

賜進士第翰林院檢討從仕郎 鄉侍生孫如游頓首拜撰

總督標下中軍副總兵官署都督僉事 戴延春

撫院標下中軍副總兵官署都督僉事 郭夢徵

協守薊西副總兵官署都指揮僉事 管一芳

總鎮標下中軍都司署都指揮僉事 李信

分守古北路叅將署都指揮僉事 李經

分守石塘嶺參將署都指揮僉事

李光先

分守曹家寨參將署都指揮僉事

馬魁武

分守馬蘭路參將署都指揮僉事

李承蕙

分守牆子嶺遊擊管將叅事署都指揮僉事

韓宗功

統領大同邊兵遊擊將軍署都指揮僉事

胡世芳

統領標下右營遊擊將軍署都指揮僉事

王良翰

統領延綏入衛遊擊將軍署都指揮僉事

馮守乾

統領振武營遊擊將軍署都指揮僉事

馮九思

統領石匣營遊擊將軍署都指揮僉事

汪宗堯

仝頓首拜贈

萬曆歲在戊戌仲夏吉旦

一、...
 二、...
 三、...
 四、...
 五、...
 六、...
 七、...
 八、...
 九、...
 十、...

朝鮮士民頌大將軍見塘陳公禧百二十八德政碑

聖天子勤十萬師東援七載妖氛一朝掃之固大司馬大司丞大將軍
神武而百執事各有所司以著其績豈容氓沒哉朝鮮以亡敗餘
君臣上下越在草莽黎庶顛沛死鋒鏑者十之三死饑餓者十之
二奔命者十之一所餘無幾而千里絕人跡良可慘也陳公諱躍
義烏人係萬曆二十五年

欽選豪傑將材遵守法度不改庭訓精神灑落玉潔冰清愛民如保
赤子遇事不避艱苦處身常若布衣

欽差提督大將軍李總理大中丞萬海防監軍道杜知其賢而選留
善後駐劄釜山復命督餉忠州兼司塘撥夫忠州要衝也忠清全
羅慶尙周數千里車騎往來民不堪命日益竄伏自公蒞任不以
私害其公不以利搖其志不以中外異其恩故撥軍久戍而莫敢

賦其民軍餉出入而莫敢侵其儲驛使往來而莫敢索其賄士安
其堵民遂其生流離歸者千餘戶吾民懷其恩感其德仰之猶父
母然於是父老相聚謀不朽業以頌公況公有異徵者二己亥中
秋以軍事夜半濟晉江舟在東涯呼舟子不得神風忽作送舟西
涯乃克濟是年孟冬民舍災將及公署公再稽首反風火息夫有
德而天祐之若此其勳業詎可量哉乃立石而銘之

銘曰

嗟哉三韓妖氣日卽七載干戈天天荆棘猛虎載途弱肉強食
惟公之來虎爲遠匿惠我黎民依然晏息道路興歌美其懿德
自天祐之純嘏罔極

萬曆庚子二月吉旦

忠清道觀察使金 功

慶尙道觀察使權 禧

全羅道觀察使張 晚

忠州牧使 金命允

通判 李光俊

金禮直

慶州牧使 金順命

鄉大夫 李德種

趙仁徵

鄉進士 李大亨

崔 洵

崔邦鎮

奉事 曹鴻澤

父老

李仁義

鄭大鵬

安仁業

庠生

石鑑等立并書

石工姜彥夫刻

贈

大督戎見塘將軍陳親丈七言一律

盛世只今推上將南州頗牧喜重來樓船渡海鯨波靜寶劍凌
霜虎帳開神武早傳經國器廟謨直羨出羣才太邱家學源流
遠擬振蜚聲達鳳臺

眷生日池龔一清頓首拜

禧百二十八號見塘公墓誌銘

夫墓誌之作所以述行實彰美德樹功績表著當時聲施後世者也余族倍磊有驃騎將軍見塘公名垂畢域聲振中華余於髫年時每聞其謀略絕倫義勇冠世恨不能躬逢其盛今既歿而葬矣尙未及銘其次子諱彥晴者記公往事甚悉因泣而言曰余考爲國立功叨居戎職尙貽陰襲延及子孫爲後者沐恩良多是烏可以無銘而昭茲來許耶予不敢辭遂叙其大概而誌之按公固徐州知州諱鏞公之五世孫也昆季四公居幼諱蠶見塘其別號也少負大志長習韜鈴當嘉靖間年方二十一歲聞本省總制胡召募將材遂往投用當道嘉其驍勇且諳陣法發叅將戚標下聽用隨征合閩倭寇所向取勝俘斬多功題授金華所世襲指揮管把總事越五年隨總鎮戚北征陞西路南兵千總萬曆初

欽點牆子嶺提調明年陞石匣營遊擊萬厯中總督刑題陞五軍四營
叅將統領南兵隨總鎮劉調發朝鮮征勦順天地方盪平倭寇屢
建奇功奉 勅畱在釜山善後三載督勦朝鮮三道威振海外澤
及遐荒縉紳士民立碑頌德後以倭警告平奉 勅回京陞中路
副總兵官加御都督僉事公於朝則盡忠報國養士以恩處己以
廉固奏捷立功恢復疆土至於防邊則謹烽燧練軍士使敵人不敢
窺伺者數十年於家則尊祖敬宗孝友克敦彩祠宇以奉蒸嘗
直祀田以享祖考至於請

恩封誥葬倫攸叙伯仲一體合爨數十年此真可爲忠孝兩全者矣公
享年六十有三生嘉靖己亥三月二十四日申時卒萬厯辛丑九
月十三日寅時安人徐氏柔順維則壺範端嚴克相夫子姆儀足
式生嘉靖庚戌十一月二十七日戌時卒萬厯丁巳六月十六日

寅時合葬於棉塘之原生二子長曰彥奎世襲金華所指揮後授
登州海運都司次曰彥晴授授黔守備處世謙和持身謹飭主晚
年猶老成鑠鑠郡邑推爲社長息紛爭禦寇盜地方賴以安堵二
女長適十九都察將胡陽谷孫主簿夢龍次適平望縣丞宋惟權
孫男九孫女三長適永康巡撫王世德公弟錦衣衛鎮撫王世愷
次適東陽昭仁許欽龍幼適金華孝順方元彰曾孫十有七曾孫
女二元孫三皆彬彬馴雅克循祖訓其後之鵲起而箕裘弓冶之
繼正未可量也此皆見塘公之德澤深厚足以垂休於不替云

銘曰

維公之才遐服戎羞維公之德華夏輝煌忠孝是植節義是彰
篆銘勒石百世流芳

邑庠生族姪三問頓首拜撰

Blank manuscript page with vertical columns and scattered ink spots.

禧百二十九諱天成公墓誌銘

公諱天成字廷亡別號近塘係陳氏漢太邱長之後世居倍磊簪纓不替松陽教諭諱垠公徐州知州諱鏞公皆其嫡祖也曾大父諱仕芳公補邑廩生大父大純公在城知州李公之壻也父中慶公安居樂業治家駸駸起公稟性純良德兼眾善傑出人表公當髫年問母朱氏曰世俗強豪何以制之母異之曰汝能承家自立強豪自退公拳拳服膺終身不違書曰聰聽祖考之彝訓公之謂歟及寇從戚少保台溫禦賊有功以父疾書到卽日棄歸奉養居喪盡禮事母盡孝不復戎事後當落藉兵爲盜院道議行保甲法萬厯元年邑侯歐陽公臨祠舉德行服衆者捨爲族長嚴立祠法至今無敢犯盜者萬厯二十五年二月

皇命提督大監曹公臨府八寶山開礦民幾逃竄徵公候議合宜邑侯

周公嘗單騎臨祠屬公礦務二十六年四月金衢大饑邑侯張公給庫銀下鄉濟饑公捐穀倡賑本鄉極貧三百餘戶五月十八日皇命太監劉公臨祠取礦從官夫馬載道不絕地方惶懼公簡弟姪能事者百二十人因才分理遍山開採差官面烹無礦天使廻轍二十九年邑侯張公募修東江橋公倡族人助以百金三十六年邑侯周公教場埠更浮橋爲石橋公隨首倡一瓮府邑儒學旌獎奉恩例旌善冠帶屢請鄉飲但值區帖餘辭不受公之族嘉隆間由武功顯著者榮耀甲於一郡惟公一門獨擅龐公之樂自成一家之教也享年七十有一以疾終於正寢萬曆三十七年正月初六日也

都察院少薇許公副總兵吉吾樓公友山陳公等賢士大夫皆聞訃致賻宗族親戚咸爲咨嗟隕涕益以見公德望之隆也安人田心王氏先公卒隆慶戊辰十一月十四日繼配安人一都季氏先

公卒萬曆壬辰八月二十八日公以萬曆己酉歲十二月十三日
丑時合葬同義鄉二十一都樟園附父墓左男三長洪蒙次洪寶
幼洪勳女一適塘下洋縣丞金木山之子晚實孫男十孫女一會
孫五曾孫女一諸子諸孫繼志克肖一如公存之日也

銘曰

稱孝稱弟無間內外家庭之中瑞氣藹藹事長以敬處衆以和
令名日廣獎賚日多事至從容憂懼不形處分得宜胸有全經
家政國政有二無二百世之下仰其高誼

鄉進士文林郎知光澤縣事

眷弟季際熙撰

蒲州同知

眷侍教生馮端本書丹

庠生眷弟黃尚錡篆額

禧百三十九請九霄公署天津都督事序

天之所以挺生良將材豈偶然哉蓋欲安邊境裨生民爲社稷造無疆福所係良不細也我觀友松陳將軍殆庶幾焉將筆越產也以忠孝世其家幼治舉子業迨長屢試輒蹶遂擲不事乃研究孫吳兵法諸凡韜略左史靡不精曉於是仗劍挾策遨遊邊郵總戎戚元帥一見而奇之曰此韓衛流也遂置之幕下以爲千夫長適當寇敵犯境將軍卽啣帥命率所部身先陷陣大敗凱捷幕府上其功拜爵世襲千戎職擢直隸遊兵總明賞罰嚴號令馭士以律捍敵多方據羊許之形勝截倭寇之要衝遂俾聞風遠迹卧東南於衽席者三載於茲揆厥所自伊誰之力以故蘭臺柏府旌獎者相屬於道

聖天子拊髀思士念將軍久在東南於焉擢河南大都閫秉志抒謨殫

心圖治鎮綏斯土而靜安如故皆將軍之功也歷三載轉衢州守
府不踰年遷淮安都閫操練得術御士有方當其時海不揚波蒼
赤奠安惟將軍永賴焉督府薦之欽差統練沙船沙兵天津遊
擊將軍是地也海澨密邇戎心叵測士志難調然任非其人外敵
易萌窺伺之心兵卒輒無果敢之氣今日干城孔寄瀚海維屏將
軍韜鈐夙蘊籌畫隨宜陸劇水斷隨往濟矣於以見天之挺生長
將非偶然也是過缺督鎮任難其人僉謂非將軍之材不可碩德
重望係南人之心久矣大學士趙公澂陽雅知將軍宏材偉畧必
居盛位嘗擊節揄揚時大司馬石具疏上聞

勅命將軍署都督事遐邇騰歡將士悅服咸謂得將軍晚也將軍勉矣
勿以功高而自伐也今其寅屬沐愛已久且走幣乞言以贈余謬
知於將軍非一日敢不以爲將軍賀雖然將軍固可賀也余之轉

望於將軍者余猶未敢爲將軍足也拜壇之命麟閣之像會且且
夕下矣余將拭目以待請預以爲將軍之賀

萬曆二十年歲次壬辰仲春望日

賜進士第資政大夫太子少保兵部尙書奉

勅協理京營戎政

凌雲翼頓首拜撰

子壻馮如填刊

河南都司禮百三十九諱九霄公傳

公諱九霄濤軒公之季子也少剛毅敏銳就塾師習文藝曰我胡
咕々囁々日事編什爲哉退而學武藝成見伯兄兩川公軒軒嶄
嶮公亦挺然以踵其武時礦寇不靖卽帥子弟平之嘉靖三十八
年海賊驛騷蹂躪赤城南塘戚公爲大帥奉命召募討之公卽
應募而起奮勇先衆蕩平之賊有陷興化福清諸城勢甚猖獗公
帥銳師潛入內外合勢捕獲無算卽時收復邑而克橫嶼洗牛田
大戰金門斬獲首賊華夷底定計功上幕府拜爵世襲千戎職已
而復隨大帥填薊鎮修邊牆訓降卒勤勞懋著遷直隸遊兵總蒞
任視舟楫器械俱不整士卒頽惰急移文上請修戰艦厲器械簡
精銳督理惟周旂幟號令聿然更新遇期汎卽駕樓船帥虎賁直
搗蜃蛟之穴海賊聞風遠遁閱三載餘四出舟師凱歌燕喜撫臺

交薦大司馬奏帥最乃遷河南都閫歲領春班戍薊鎮平施將發
公麾下將士材官等泣留不可得爰塑像而尸祝之可見公得與
人之心至矣他日立功河朔勒銘燕然其可量乎

外史氏曰公孝友忠信愷悌人也奉二親克承意志事伯兄克
盡友恭仲兄罹無辜陷大獄十有七載公日夜思所以生全之
路雖甚勞費不計也獲宥而出聚首歡娛如平生待子姪以恩
處族黨以和其禦軍也不妄殺以要功無倚勢以作威宜其出
輒有功榮膺封爵享無疆之祚也

賜進士出身中憲大夫福建按察司副使

眷侍生毛爲光頓首拜撰

餞送禧百三十九公之任河南都閫七言一律

蘆花楓葉滿江秋 祖帳連雲萬騎留 丹詔紫泥來北極

玉鞭驄馬向中州 金榜仕漢初分閫 岳秀生申擬建侯

佇看六符懸肘後 江淮保障定重游

賜進士第中議大夫山東按察司副使 侍教生唐瑗頓首拜撰

餞送友松陳都閫榮擢淮安

細柳營前明劍戟 將軍豪邁早知名 誰諺門下三千客

獨羨胸中百萬兵 去日艤船著海晏 新來節鉞見河清

烟消兵埃渾無事 定見封侯頌太平

賜進士第中憲大夫

練川侯堯封書

壽友松陳將軍七言一律

金符開府擁旗旌 絕勝江南百雉城 風靜柳營堪說劍

月明夜帳正談兵 庭中祇見芝蘭茂 閩外行看海甸清

年少將軍雄志在 燕然先已勒勳名

賜進士第資政大夫太子少保兵部尚書奉

勅協理京營戎政

凌雲翼書

禱百六十九諱天祥公八旬壽詩

名山迥峙起黃雲。南極星輝繡水分。此處應知有逸叟。兩朝更老
信傳聞。翁當少齡稱玉樹。至老翩翩江海住。孝友會懷大被風。才
情應事如武庫。東園巧築小蓬萊。花畔遙看酒數杯。醉卧林間明
月上。清風一曲步蒼苔。邁年不問當世事。庭訓英威成懋器。萬里
鵬飛指日間。鸞封可儲京華至。余懷太邱苗裔家。北上無邊傍紫
霞。塗遇吾兄言大耋。舟中題賦寄東華。快翁膠序恆執爵。玉杖榮
光來青鵲。應進丹霄絳色桃。馬似海邊隨龍躍。衣前夜半歌金縷。
鬢髯皤々顏色古。雙鑠丰神一似仙。罄無不宜受天祐。試看雙星
在岡左。德門時見祥雲鎖。知翁壽考過千齡。三千正熟瑤池果。
賜進士第文林郎山西大同府推官

通家眷生胡啓甲頓首拜撰

賀禧百六十九陳翁八袞壽讚

懷葛旣云遠澆風競馳驟奔奕仲弓里瞻此典型舊龐叟藏各深
司馬遺德厚芝秀滿庭蘭春酒介眉壽古者崇更老盛事安能復
願以式類趨太和盈宇宙

大清順治庚子仲冬穀旦

欽命總督河道提督軍務兵部尙書兼都察院右副都御史

眷侍生朱之錫頓首拜撰

炎八諱琦公傳

公諱琦字子璧南泉其別號也少儻有大志長而孝於親友於兄弟勤於治家每遇綱常事輒慷慨勇往時宗人議建大宗祠推公治其事公奮然曰奉先思孝吾敢辭其勞遂欣然諾與其弟諱榆號東軒者同心協力共圖厥功蓋八年於茲矣夫師氏三行立教惟孝居先太宰入統馭民以親爲始禮有之人道親親也親之故尊祖尊祖故敬宗敬宗故收族收族故宗廟嚴今公不顧私家創立宗廟義率祖而仁率親其所以範一族於孝道者至深切矣厥生二子一曰獅胸藏韜略功著南北二十年告辭歸養戚少保劄與以戎總次日麀承理祠業克繼父志諸孫充拓基業於祖有光詩曰孝思不匱永錫爾類公之謂夫

萬曆十四年歲次丙戌孟冬吉旦

繡川逸叟撰

炎二十三諱琅公傳

學記云良弓之子必學爲箕良冶之子必學爲裘蓋言克肖也倍
磊陳氏十世孫諱琅父椿二十二府君行見前傳茲不復叙公克
肖於父習父箕裘不慕榮達公之族嘉靖戊午間兄弟叔姪輩持
利刃戮礦寇應召募誅烏賊錦衣玉食榮歸故里公見之淡然不
動於心堅持庭訓惟紹耕織身常安於閭里足不履於公庭與兄
弟子姪樂遺安之業孝事父母怡愛家庭優游晚景享年七十有
二夫婦齊眉可謂善紹箕裘者也娶盤石丁氏賢淑勤儉治家有
方享年七旬生三子長曰仁次曰仲幼曰信謹承遺教恪守家規
孫九曾孫二十元孫一承祖父貽謀之善世守勿替詩曰教誨爾
子式穀似之公其有矣宜傳以爲後人之模範云

萬曆甲寅季夏吉旦

族孫 思敬

洪賓 全拜書

炎二十五諱榆公傳

公諱榆字汝材東軒其別號也父椿二十一府君母宋氏大父衍十府君世有令德公居冢嗣甫週歲卽失恃撫於繼母楊氏幼以孝友聞及長體貌魁梧慷慨多節性剛而溫內直而厚言笑不妄樂施於人每於晏會中儼然有坐鎮一方之度至族有爭訟者是是非曲直片言折之罔不帖服邑主潘公詢於輿論置爲鄉之長吏督撫郭公舉義總鄉邑復薦之受金牌優獎僉曰古之遺直遐邇無間言也尤偉著者捐己貲以建宗祠而率子弟以孝訓宗族以和蓋其功罔厯百世而不朽也先時礦賊犯境闔族畫計殲之公實有功後宗人以勦賊應召起戎行而取將印者不止十數屢薦於公公囂然曰通塞有命安可以危且凶者徼倖當途之物色乎藉令吾有後賢俾之起家詩書是所願焉其才識過人如此

安人胡氏性貞淑備婦德公建祠肇家有相之道生四子長曰
俊次日儒三曰儀幼曰位皆英才偉器卓犖藝林二孫世明世奎
蜚聲譽序行且大振厥家噫吾於是而知公德之盛福之隆也則
曩之不發於公者不將大發於其後乎余於公忝辱姻婭二孫在
門下知公稔而景公甚切也援筆而著爲傳
萬曆乙酉孟冬之吉

眷侍生雙泉馮九思頓首拜譔

炎五十五諱德洪公傳

昔王烈居鄉訟者輒望廬而返其故何哉蓋其誠信之素孚也東溪居士今其人焉公諱德洪字惟潤東溪其別號也曾大父世玉公大父諱綦公父諱繼昌公仲兄諱榆公俱以仁厚方正克家公生平克紹令德恬靜惇謹繩趨尺步識者重其器度之雅先時鄉有長仲兄爲之大得人望仲兄沒人望屬公時盜賊竊發當道計行保甲法擇鄉之有才望者舉爲族長以表率之邑侯歐陽公奉行此法下鄉揜選衆皆舉公公於父老中最幼固辭不克因授以條約鄉都之事以身先之且喻以德意鄉俗喁喁向風蓋盜息民安於茲二十有餘年矣公以同儕有薄法者甚負當空旌養意恥與之列屢求去然難其代者終不得辭至萬曆九年上諭例天下清丈都有保則保長董之保之上定公正一人以監總之

求之於鄉亦推舉公公兢々奉行時費亦頗鉅公捐亡貲應之宰
命計畝科以應用公分毫不取也鄉有爭訟者公解之無不得其
平祠事亦多所增立其大節蓋如此云夫公家立法民緣爲奸假
官樹私修怨規利者比比然已公獨敦素行以宣上德而廸民風
藉令人皆如公則舉晚世而躋之三代何難也卽古之王烈亦若
是焉已矣余葵郡訓導因講學暇而與語教化因得烏之善士與
其姪孫世奎云

萬曆十三年八月望日

金華府學訓導鄉進士閩溪中逸史環溪施子懋拜撰

傑六諱仕情公傳

翁諱仕情字廷誼壽山其別號也父儀二府君多才藝善治家而重義輕財尤出天性年僅三十有六疾將危篤於時翁始生置之於膝以囑其嫡母宋氏曰我今已矣此子善撫成立以嗣吾業我死瞑目矣宋氏遵其命悉心撫育而教訓之爾時翁猶未之知也迄翁十六歲而母卒翁爲人自幼持重不妄言笑識者奇之謂處士其有後矣及長狀貌豐偉意氣醇和凡接人必盡恭謹無間親疏少長咸得懽心教育諸子務期成器質之燕山竇氏無多遜焉自是才識練達節行標致而潛德日章播於鄉邑邑大夫延之賓晏固辭不就親友或強之謝曰鄉飲之禮朝廷所以待高年有德人也吾雖年逾七旬而德不堪焉敢辱此殊禮其謙德有如此者晚年德益光顯一族奉爲表儀而敝宗睦族倡率建祠歛財課工

爭原何種附且吳言前集
靡弗身親其勞曾不以年老而倦勤也性尤善飲每飲款款盡曲
至終日不亂詩曰展矣君子翁無媿焉安人楊氏有賢德而享年
亦與翁齊生五子孫七曾孫一嗚呼盛哉易曰積善之家必有余
慶翁生而孤而其子孫蕃衍且皆賢明非積善之報乎况善之繼
今而積者則其慶又豈可量哉故仰翁之盛德而追惟本始以爲
翁壽祝云

眷姪孫季際拜書

傑三十六諱仕恠公傳

居士諱仕恠字廷慶祖勤八府君同父儀九七府君慮遠思深宏治十年捐貲贍錄流水以遺於後宏治十五年間適罹回祿之變母櫻氏安人心切先人之所遺猛然拯取而珍藏之餘者一無所顧豈非所見者大乎且鄉黨中爭訛者俱得辨正以寢訟端翁之先德如是而翁亦可知矣翁之爲人溫和謙謹藻鑑分明雅愛斯文獨立不羣卽橫逆交加亦應以雅裕曉諭曲直而人多爲之愧屈是以終身無忤於人非分之得一介不取事親孝待子慈不慕聞達以山林爲樂性不好飲而致豐於賓隆慶六年邑侯歐陽公聞其名請赴賓晏萬厯元年署縣事劉四府給贈冠帶帖文謂非實大聲宏之所致歟至萬厯甲申丈量紛紜查考者慨然無吝卞保得有據証以便從事遐邇均感此固翁德之大概耳築室繡川

號曰溯澗居士安人赤岸朱氏孝於舅姑不違其夫育三子一女
皆賢而有才則翁平日之所以為身教者不從可想見哉是為傳
萬曆丙戌菊月吉旦

管生季際熙書

傑三十八諱仕源公傳

居士諱仕源字廷厚號環山儀七府君之次子也祖勤三府君當
宏治十一年間續修家譜居士尙未誕育謂桂先生曰吾必再得
一子爲我命名上譜後數年果得居士甚喜鍾愛之及長持重老
成言笑不妄心中涇渭甚明每論持正不事依阿雅愛斯文交遊
必謹闔族長幼皆憚之先時祖考欲建宗祠浸於浮議至嘉靖戊
午偕宗兄等首倡其事求材課工以身任之竟成祖考之志他如
援弱扶危靖礦寇難招回族之流移者數人皆其行之表著者娶
本邑馬氏性質貞淑勤勞治家孝事舅姑和睦妯娌恩育二子曰
鋒曰鏞一女嬋安人且知大體居士爲祠長建祠八年之久在家
之日不過十之一而家事委托皆爲調理無遺一聞祠事相呼即
促之亟行且曰此報本大事不可遲誤夫子勉之安人之賢如此

身...
宜其相夫子以承世業而垂令名於無窮也後居士晚年又庶出
二子曰夢陽曰大正孫男六皆岐嶷當居士心夫府君未得居士
而書名既得君士果賢能以繼其世業其事亦奇矣哉因爲傳以
誌其實云

萬曆丙戌孟冬吉旦

眷生方 金書拜

傑四十四諱仕恬公傳

傳稱周於德者不能亂蓋言凡事豫則立也余觀東泉公殆有是
乎公諱仕恬字延安父秉誠翁世有厚德資業殷富公昆仲四皆
先公卒遺諸孤公皆善撫之至於成立翁素性持重寡言笑且饒
於積貯多有從公假貸者以公之寬多負之公亦不問屢遭回祿
搆誣猶然裕如嘉靖乙卯從諸暨柯橋來鄉邑張皇縣令曹公舉
邑大戶捐資釜錢穀以應而翁與焉迨隆慶己巳部院谷公慮礦
賊騷擾立義總以靖地方衆推舉公公宣德達情不負所舉雖受
金牌旌賞而公固澹然不以爲意也萬厯癸未邑侯范素聞其名
旌其門曰耆德善民非周於德而能當此乎公娶雙溪沈氏有淑
德與公偕老生二子長曰鋼幼曰鑰男孫三曾孫一則繩繩方盛
皆公德之所致也公之德如是公之年且且暮杖於朝以膺榮寵

矣敬傳之以俟後日

萬曆丙戌孟冬吉旦

同邑眷姪孫季際熙頓首拜書

傑四十七諱賦公傳

公諱賦字文華別號南塘父諱璞公母王氏生公昆仲四公居三少儻有大志嘗慕高祖六一府君之爲人也每欲紹其家聲孝事父母友於兄弟仲兄與次弟皆先公卒公痛之甚哀且和以處衆乾餼貲釜無所愛吝善治家優於積貯能紹先業而光大之隆慶中爲鄉總書會計惟謹人每有洒派自私者公嫉之無升合弊都人咸稱平焉萬厯初年歲旱小民艱食公出穀貸之收其當不取其利行之二年遠邇咸戴其惠又於橋梁道路捐貲以修飭之往來咸賴其便其多財樂施類如此嘗往蘭貿易道拾遺金二十兩日俟所失之人探其情實相符公悉還之分毫不匿古稱還帶之事復見於今日矣至鄉邑有爭訟者公不難兌金以解之迨事諧公未嘗自伐以此人益重公至晚年家駸駸起庶幾乎高祖焉

蓋有志者事竟成也享壽六十有三安人朱氏婦道克全勤儉相
夫生三子曰潤曰添曰星長男勤儉成家綽有仁德不幸先公而
故一男恂恂有父風克承先德公沒而擴其磁基皆公所欲爲而
未竟者傳曰善繼善述此之謂乎厥孫七皆彬彬雅飭克遵家訓
皆公積善之餘慶也爰走筆而著爲傳

萬曆丙戌孟冬吉日

賜進士第福直巡按監察御史

眷生日池龔一清撰

贈敬四十八諱仲道公八寶山陣亡七言一律

秉性原來智勇俱 敢承委命破凶徒 持鎗奮臂奔三械
冒刃輕身敵萬夫 八邑傳名誅賊首 一時赴死爲鄉都
若將配義昭忠烈 也有聲名入版圖

邑庠眷生陶松撰

遠七十三諱銑公傳

公諱銑行遠七十三官名遠字永卿月溪乃其號也高祖勤三府君爲烏邑傑士公少負奇節恪守祖訓適當礦賊猖獗持挺逐之遂以勇著時江浙閩廣之地羣盜並起當道募公勦之無不殄滅遂領千夫公爲總帥時宗人大創祠宇公不忘所自乃捐十金以助夫馳驅四省屢立奇功可謂忠矣善事慈幃可謂孝矣忠孝兩盡公其無愧乃祖也哉晚得二男四女蓋忠孝之報云予辱在梓里稔知公君闡德化時且辱公愛甚聊序其大節以爲傳焉

萬曆丙戌仲秋吉旦

邑進士眷生黃承讚拜撰

又墓誌銘

稠邑西南倍磊者先世以文武傳家而武功其尤著也余門人維章氏從遊有年因以尊君卜葬令祖月溪公於倍磊飛鳳山之左

身居作... 身言前集...
囑余誌日銘焉余生也晚未覩公之形容而猶獲聞公之令蹟曰
是公也殆以武功匡世者生平曾爲萬夫長承

命出帥閩地克復漳泉興福等處黎庶沾恩士民頌德因未得嗣遂釋
兵歸里元配成氏夫人生一女繼配蓬氏夫人又生子一女三焉
長公南泉除授成都省營以應三司之選次公錦泉則維章之尊
翁也早失怙恃克守先業當頭角甫成卽有四方志初授中州寶
豐仇香之任陞授南國大河衛參軍之二公者英度朗！固克振
前徽而且桂子蘭孫鬱郁續紛豈非月溪公之樹德於不朽乎余
媿不能文而誼屬通家聊爲之誌其大略以書其銘曰

身歸三尺

貽爾典型

劍光輝閣

槐蔭在庭

恩報君父

威顯雷霆

克忠克烈

千載貽馨

崇禎己卯冬月吉旦

金邑廩膳生眷晚生方日章謹撰

贈遠百十三諱彥才公統領贛州長寧都司序

國家戡亂以武守成以文文武並用長久之策也時嘉靖間島寇南犯吾浙尤甚

欽命戚少保往勦之應募而起凡一智一能之士莫不乘時而奮發矧高峯陳君者固爲烏傷之英傑乎公生而穎異慷慨有大志及其長也膽量非常勇敢出於小心胸藏甲兵數萬令聞丕著於四方於是戚少保召爲防守台州把總公把策長往慨然有澄清天下之志時花街白水洋烏根嶺等處賊勢猖獗將軍料敵決策不旋踵而蕩平之而台州諸郡卒以底定而功業彪炳殆爲發軔之階耳後總督軍門胡深知將軍才勇調在於閩公卽受委專征殆無虛日一戰橫嶼再戰牛田三戰林墩四戰仙遊南粵等處斬敵制勝所向克捷俘馘奏凱而入閩軍民皆賴以安堵其豐功偉烈雖

古之名將未能或之先也。當道擊節嘆賞奏聞。

當空授以千總之職時又邊寇爲患召戚少保主邊計戚少保遴選麾下忠義勇略者調往燕薊將軍與焉率兵於石門山海等處將軍殫慮闡謀奮不顧身親斬賊首爲士卒倡遂追逐餘黨於是南兵大振皆將軍先之也議者謂嘉隆以來無此克捷而君之忠義勇略之各遂播於華夏都憲劉侍御臚上其功卽受上賞時

皇上御極之年也是歲邊寇三犯凡三勝之斬獲無算延邊諸路賴以獲安皆以將軍爲長城也豈不壯哉於是

勅命將軍任贛州長寧營兵都司都指揮同事者咸羨厥績請予一言以彰其美予曰自古豪傑之未遇也隱於巖穴一旦拔起而爲公侯干城蓋由夙昔涵養深蓄積預故仗義秉忠而蹟紀太常名標竹帛與古人相爲伯仲者豈區區一智一能之士隨世以就功名

者所可同日語哉予忝在梓里熟知其詳故次其俚語以爲序云

皆

萬曆己酉冬十月之吉

賜進士文林郎贛州府推官春沂眷生柳希點頓首拜撰

Vertical columns of text, likely bleed-through from the reverse side of the page. The text is mostly illegible due to the high contrast and grain of the scan.



贈遠百三十一諱文澄公提戎大水峪序

予閱義邑寶峯陳君以衛使領偏將軍從南塘戚令公鎮薊邊威
褫敵魄無敢睨我埔垣萬曆甲戌八月

天子嘉賞勞勲晉級命轄大水峪提調戎務戒裝別諸部諸部將行祖
麾幟少湘曹君與予善馳使求贈言昔在庚戌突來島寇曠徒澳
賊乘隙蝥作浙閩江廣歲及干戈君之先翁號錦溪者憫時多艱
志切殲寇遂倡族衆協諸鄉壯丁在殄礦賊乃號義烏兵時令公
方承勦倭之寄聞先翁義勇禮聘之先翁知令公虛心用策推誠
任人卽往從之勇進不怯爾時君甫束髮卽隨父行承先翁志誓
蕩羣兇智勇冠倫所向克捷驅馳四省先衝冒鏑連鬪數十陣斬
獲合計數百級全活被擄數千人是以諸臺獎薦許其忠壯其勇
奇其謀多其勤誠將中之儲英也今也專一途之旅簡閱軍士以

壯三輔屏翰君固有以勝其任也夫士夫効用志向殊別千爵要
名者趨其利奮志國家者忘其私父比子從忠義激烈慨然不吝
於費以助軍需毅然不顧其身可赴戰鬪此固智巧之士所深藏
而晦迹者而君家獨能不避艱險以樹社稷之勳蓋志存報國世
受崇階父官遊擊未竟所施而君方膺秩未艾良有以也千爵要
名烏足與擬哉竊思戚令公神武變化威望遠振不戰屈人坐收
全策陳君日侍塵幄稔觀深維必有得其變化莫測之妙用他日
乘鉞重鎮而快然出其所長以上報知己倣之霍衛奚多讓乎予
則識見鄙陋未諳韜畧聞有攘寇退敵之士必筆之於書而壯而
羨之况有此廓清保障之巨功者乎是爲序

萬曆甲戌仲秋月吉旦

賜進士及第詹事府左春坊左中允兼編修

吳興范應斯拜撰

遠百三十一諱竇峯公榮擢三屯輜重遊府序

予讀古今傳記上下數十百年至唐李涼公之平淮蔡也嘗喟嘆賞其功與其忠孝之能盡也當憲宗卽位之初諸節鎮跋扈不恭聲教不行於淮西河北者蓋五十餘年涼公以一將之任提數千之衆夜半縛吳元濟於卧榻之上而人莫之覺至使兩河諸鎮破膽寒心奔走歸命而唐之威令赫然復振焉厥功顧不偉歟當是時雖晉公主其謀而涼公之功君多及考其世系則其父忠武王值德宗多故之秋收復神州再造唐室而公爲之子世濟其美也如此我

國家自開基以來威武紛紜中外震懾固非前代比然閩廣吳粵等處地近邊海倭奴出沒於其間昔罹其禍嘗僵尸百萬今其患稍息矣而燕以北邊敵告警靡歲得安焉

聖天子北顧而拊髀太息誠慮將帥中無有忠孝如古涼公輩者乃今
於吾邑寶峯陳君見之陳君故將種也其先錦溪公始以鄉兵破
走礦賊累建奇勳比爲遊戎時其年已老未獲大究其用余嘗惜
之而寶峯君挺生則錦溪公可無憾矣初倭寇犯我州郡越海而
戰人殊死鬪無不以一當百未聞有推其一陣俘其一旅者寶峯
君適當其任身披堅執銳援抱桴鼓出萬死不顧一生之計首擄
其鋒而殲之所殺首虜不可勝數如台之白水洋莆之巖頭鎮至
今相傳其事除

朝廷南顧之憂厝赤子衽席之上而安植之功豈不庶幾淮蔡哉嗚
呼壯矣昔史臣稱涼公儉於奉亡而豐於待士知賢不疑見可能
斷以故能建不世之功昭前人之烈千載之下猶使人想見其風
采雖爲之執鞭亦所欣慕余聞陳君之治兵也嚴明以信親而務

施所將數千人皆啣其恩威莫敢犯稍暇卽事詩書平居談笑恂
恂如書生至語及報恩國士則又感慨憤烈凜然有不可犯之色
豈聞其流風而興起者耶何其似之甚也余宦轍異路不及久與
陳君遊以觀其吐握胸中之奇意其爲人必豪邁嶄岸行行自負
者而繇前所聞云云蓋綽乎有古儒將風卽方之涼公奚讓焉孰
謂古今人不相及歟方今敵人獻琛款塞稽首請封已恬然無足
慮矣君之安邊陲樹功名斯其時也上不負

天子下不愧乃父余於陳君乎是望且

朝廷不用君東南而移君直北者意有在也陳君勉乎哉余姪大綸
辱陳君爲兒女親屬君進秩遊府請余文以賀余旣稔知平日之
表樹而嘉其能光大先業也遂書以

賜進士第資政大夫刑部尙書前都察院右都御史兵刑二部右侍郎

賜飛魚服閱視宣大山西提督南贛汀韶軍務大理寺卿

山西道監察御史

眷生吳百朋書

師應策臨機應變固有多術非予言所能竟也余等備員於浙旬
宣藉甚將軍其爲我榮者素矣歲值兵變部院岷嶽張公按臺念
華張公督鹽漕西孫公剡請

朝廷

勅授浙左遊鎮撫綏斯土不蠡午而安靖如故昔子儀免胄論虜卽將
軍今日事也他日元符世握汗馬勳榮勒石於燕然標名於翰史
方澤其穰穰矣予故曰豐茂世之規者乘嘉時之纂起洪聲之會
者汎窟蘆之墟若將軍者誠所稱萬邦爲憲者矣遂書俚言以贈
浙江承宣布政使司左布政
舒應龍

右布政

李汶

左叅政

劉世貴

王廷詩

右叅政

吳自新

左叅議

唐本堯

右叅議

顧養謙

浙江提刑按察司使廉使

徐元太

副使

劉東星

徐汝陽

陳澗

張子仁

馮時雨

楊標

僉事

許一德

張正道

浙江右遊擊將軍

徐景星

都指揮使司

常鎔

僉書

馬繼武

王接武

全頓首拜撰

遠百七十三諱廷瑛公傳

公諱廷瑛字君用碧泉其別號也會大父諱淵公登鄉貢不遂仕途因卜築洋川家焉至公凡四葉矣父諱守忠公克承令緒中年逝世母櫻氏孀君生公伯仲四公居家井井有條公族中率從武行榮膺圭璧者雖甚懿爍公固弗與焉嘗自言曰吾有寡母在他有所希冀是薄乎母也其若先君何乃托迹邱阿竭力事母且善自封殖以勤儉訓後嗣雅知詩禮以義方承先人凡先君所欲爲而未能爲者公悉能繼之膏腴充拓堂構鼎新曲直不阿於世好惡衡之以道是以德契鄉評行洽輿論鄉有事不平者公剖析之咸輸服無怨焉抑又仗義急公萬厯十八年縣治遭火不吝百金之助邑侯金公榮之冠帶復葺之區嗣是造橋治道皆捐貲樂助萬厯二十六年歲歉邑侯張公發官價令各鄉濟饑公慨

然輸粟以賑濟克體上心後循行鄉約捨公爲明義鄉約正樹之
風聲以式民化迨邑侯周公甫蒞烏上廉得公狀儒學教諭陳公
稔知公德卽縉紳先生靜軒朱公通學庠生黃惟實等咸嘖嘖推
舉於是辟爲鄉飲以膺隆齒尙德之典非公之令德茂行夙著當
時曷克堪此盛典乎安人黃氏懿美具盡內助稱賢眉壽偕老厥
子二應鳳應鸞一女升適驛勘下黃尙葵孫男二曾孫男二皆俊
異特達克繼公志公之館甥黃君請余言以贈余知公久輒忘其
陋以爲之傳又從而贊之 贊曰

繫惟陳君 卓有令德 太璞不刊 天真自得

恩義兼施 剛柔並克 盛典兩膺 榮名石勒

萬曆甲寅仲夏吉旦

淮安鹽運司運同宏宇

宗弟思任頓首拜撰

遠百九十一諱鋼公雙孝節傳

孝子陳鋼義總仕恬公之長子也。節婦楊氏視疇楊行椿三十八之愛女也。嘉靖戊午間各郡縣礦寇流賊及餽奴竊發奉都察院胡勦八寶山礦寇初平。拴義總率鄉兵防守地方以爲安內之計。時有隣都渠魁葉某者嘗出沒杭嘉諸郡族人與之飲於市恬見之謂族人曰斯人可與同飲耶葉慚恨而去他日以明火事發監杭州府獄詞扳義總移關嚴提或曰未可輕往當先陳情郡邑事急未及預議立催義總去鋼曰必欲速行鋼願爲父辨冤卽同僕往不問情由併入獄凌虐慘甚僕報父母暈地束手無策楊氏取奩飾百金囑僕速行救至獄門而鋼已死一日矣時年二十六歲嘉靖壬戌三月初十日午時也。訃聞楊氏哀毀骨立每以救夫不早引咎自罪遺子光裕僅三歲氏思舅姑年邁奉養無人孤子

未離襁褓不撫之成立又承祀無主蓋情緣義起而義以制情
熒堅守朝夕含悲矢志六年光裕已八歲矣乃棄孤兒於堂上從
寃夫於地下實隆慶丁卯二月二十五日午時也嗚呼積善之家
反遭奇禍此豈天道之無知乎抑亦天固以此成夫婦之孝節乎
萬曆三十七年儒學旌匾曰孝節成雙又從而贊之曰妻死為夫
子亡為父孝節成雙烈烈千古夫婦之名著即儒學有餘榮矣會
修家乘因追叙其事以垂不朽云

萬曆甲寅仲夏之吉

族弟思敬 洪賓撰

族姪希禹 應試同頓首拜

遠二百三十三諱鏞公序

余在宦遊時每遇鄉耆之賢輒愛之重之上者薦揚之其次旌獎之又其次鄉飲而賓禮之今當居鄉雖非其責苟有碩德而獨不可贈以言乎邇聞義烏陳公諱鏞號見溪者余甥余明道妻之祖父也其生平不炫奇不弔詭以寬厚稱純純雅飭有儒者風焉且族有請託禮餽酬謝毫無所取而人稱其廉掌祠事一秉於正而人服其公遇凶歲蠲貲以貸不給而人頌其仁此三行者於古爲難公兼有之以視世之詭辭阿俗攘臂營世者其相去爲何如乎厥配宋氏孝事姑嫜克勤婦道內助之賢亦與有其功焉余喜之卽欲上其狀薦之邑長郡守聞其各業已恩榮冠帶矣因具數語以附名於其譜卽謂公藉余以不朽也可謂余藉公以不朽也亦可

昔

萬曆甲寅夏月吉旦

賜進士出身現任湖廣布政司參政

張應槐頓首拜撰

遠二百五十五諱廷璧公行狀

且士之立名於天壤者不外持道義敦氣節而已然稟性方剛制行慷慨而可與古烈士抗衡者求之當世甚難其人能此者其惟陳君乎君諱廷璧字登之繼南其別號也幼習書史通曉大義持躬不愆乎禮儀接物時存乎忠信族有爭訟公立剖之而訟寢息有不法者公但以理論之卽爲之氣沮古稱疆勇而好義公之謂也至於克家而繩祖武尙義而和兄弟捐貲而賑困乏凡此無一非公所優爲。邑侯周公廉訪公行榮之冠帶豈謬舉歟公之曾大父諱淵公補邑廩生七試棘闈以父顯大父諱孟高公儒學謝公讚曰臨機捐募勦除礦寇以義著父諱守仁公入邑廩生因父喪明竭力侍養以孝聞公固砥行立名而可稱爲善繼善述者矣元配徐氏德性貞淑先公逝世生二子應雲應芳一女月適徐塘

下巡司徐學易繼娶二十八都毛氏治內惟勤相夫有道撫字雲
芳而猶若親生誠女中丈夫也後生二子應試應繼孫男六蘭玉
盈庭克承先緒謂非天之所以報施善人歟不佞與公辱在戚里
且與令公子應試共事筆硯雅相友善因不自揣謏陋敢指其概
而表之

萬曆甲寅仲夏月穀旦

邑廩生愚表姪 金用之

暨弟太學生 金成之

庠生 金錫之

金世柱

同頓首拜撰

遠二百六十諱添公傳

義烏倍磊陳氏諱添字汝良金川其別號也父處上諱賦公公係次子也體貌奇偉言笑不妄幼通經史壯習韜略恆欲揚威沙漠爲

朝廷執戈萬里外其素志然也適因浙廣閩處寇擾奉撫臺汗總兵戚經畧勦除諸寇悉平公與有勞焉始雖心雄裹革旣而旋歸桑梓以孝事親以厚處族輕財重義好施獨賢郡守張公獎其賑恤本邑尹張公褒爲鄉善周尹公美其利濟朱尹公王尹公區旌薰德純良咸給約副卽里中無不推譽其德繫辭云積善成名其信然乎壽享七十有三配金氏邑庠生守魯公之女鄉進士西川公之姪女也毓質本賢姆訓夙佩以故尊事舅姑敬承夫子處室有丈夫概其慎惠之德秉塞之心與姆婦龔氏節操雙馳厥子三長

希閔次希鴻幼希陸雖非己出勝屬毛裏孫男六孫女一後裔振
振蟄蟄人爲無妬忌所致讀螽斯篇不覺欣然有餘羨矣至凡慎
終如始種種善行余不能悉爲之書卽以人之所共景仰者爲之
約舉其實曰耆德傳

萬曆甲寅蒲月上浣吉日

賜進士第刑部江西司主事

葉·官頓首拜撰

遠三百九諱星公傳

府君諱星字宿明別號仰峯世爲烏傷人家倍磊飛鳳山之東隅幼醇謹凝重言語緝密旣長以儉約自持雖務滋植而未嘗以不義取人自是家業日豐歲稔推幣以濟貧困構亭以憇行人修葺橋梁平治道途以便往來義聲藉藉邑令惺我周公坊表閭里而獨雅重於公而公處分稱事鄉黨無不帖服至爲人排難解紛不遺餘力必求其寢息而已歲戊戌縣倥偬於礦事太監劉以皇命嚴重公獨肩其事雖事關利害無所規避焉故事竣而民以恬皆公之庇也事雙親以孝聞處伯叔昆季間懇摯怡愉無不得其懽心鄉中均以公之德行節操上有司遂承寵命錫冠服寶禮之壽六十歲配盤石丁氏雖少嬖而閑於壺則事無纖鉅咸井井有條先公卒懿跡足媿府君芳名與之俱永繼娶亦

岸馮氏子男二長希堯次希周俱丁氏出孫男四子義子愚子瑚
子璉孫女一國娥適赤岸楊時綱合葬本邑二十六都周墅麻車
山向西之原傳曰昔漢陳太邱平心率物人不畏刑而恥爲陳君
所短府君篤行好修而一鄉稱之一邑信之固克繼其遺範者乎
獨是行著於鄉而以隱德終若有所未滿者今其令子賢孫克承
府君之業隆隆鵲起而日有鴻聲亦何不足之有矣母余捷南宮
歸予友郭逢盛與余交久烏傷陳氏其世姻也余信余友而傳公
德行如此詎敢以浮詞借乎

萬曆甲寅仲夏月吉日

賜進士出身觀刑部政待選

眷生李爲京譔

東邑庠生愚甥郭逢盛全頓首拜

遠三百五十三公諱文濬官名文河傳

俊甲寅春奉

勅南幾歸省。遘晤窻友。孝之吳君。君姻於陳宅。倍磊諱文河。字思禹。號懷桂。陳公之壻也。促膝蟬聯。言及受恩於陳公。備述陳公之事實。徵予一言以傳。予忝親中。亦悉聞陳公之行。敢以不文辭。陳公少習舉子業。博覽經史。屢試不偶。遂棄文就武。奮習孫吳於萬厯丁丑。從戎薊門。督府試選。卽奉部臺。以劄授把總。機習短蓐功者。長榆束隊。什之整。緝得上帥之重。珍美調大安。千戎安撫之地。撫賞精明。傾心感服。烽臺嚴肅。調度有方。庚寅督撫鎮道。薦剡交集。申請部堂。協關按二院。陞擢中路南營中軍。折衝偉抱。從容膺繁錫於師中。謀勇兼材。談笑致昇平於閩外。此公以文事濟武功。熟聞軍旅之事宜。爲

天子之大帥矣。戎戎歲倭，奴熾犯朝。鮮急請

聖朝，懇兵征勦。

勅命經畧刑公，卽調委陳公，以總督指揮職，統兵異國，攻敵鐵山。雖倭奴百萬，霧合雲屯，凌石菌以開營，拒巖椒而峻壘。勢固無馴制之者，公乃毅然身任，識明君之重恩，輕生有地，提太阿之神劍，視死無時。公之忠也，擁貔貅之雄順，天機而左轉，統犀象之卒，乘地軸以右廻，公之智也。捨食解衣，而同其甘齒，擅卧雪而同其苦賞罰，明而法令信，兵心合，而天時順，公之仁也。啣枚遠襲，捲甲前驅，卒兵追逐，斬級千餘，穴巢蕩掃，餘倭遁跡。公之勇也。竊恐倭奴復穴，遷留善後，駐防釜巨地方，民脫鋒鏑之患，公貽甘棠之想，則公之善用兵者，可繼韓范之後，耶。撒回勞旋，候聽咨陞。公日以親老爲思，不以功名爲念，肯歸奉養，菽水承歡，效萊子之孝，伯仲填麓，怡

然愛敬有田氏之風宗族以公而和好戚里以公而敦睦親賢勤
慎公之大節爲全矣迭生三鳳玉立森森必能克振家聲公之厥
後可卜矣年近古稀必獲期頤仁者有壽理固然也俊宦遊金吾
雖不得挹公之手度而因言論世若親覩其耿光聊謹言以狀畱
爲識者之採擇云爾

萬曆甲寅季春吉旦

賜進士第中書

眷生稠源金世俊拜撰
眷弟吳大纘全頓首拜

Blank page with vertical lines and scattered ink spots.

遠三百七十一 諱廷華公行狀

邑治西南曰倍磊陳之先百五府君由東陽安文實徙居焉越十
一傳南嵩翁生形修貌偉質行誠心有古長者風余考陳自靖礦
有功大將軍戚爲閩難捧檄時陳氏應者無慮數十率以超距晉
階顯秩公獨以母王氏早寡絕口不譚從戎第修孝行以儒術課
子孫夫公非傑四十六府君之孤子耶孕數月府君先謝世時王
氏僅二紀許未幾伯兄又逝人多難王氏以守王氏慟誓以柏舟
自矢撫鞠甚至課子一稟義方雖護惜有加而詞色不以相借公
亦惟母顏是承每見王氏不懌卽再三勸慰必求母悅或勸外立
功憮然曰吾族固多以鷹揚致位通顯獨恨不有修石渠故事而
乃效絕裾僥倖燕然之績哉遂屏志遠遊侍奉王氏以老王氏遺
言謂不及教汝力學振厥家聲若能敦善事勉爲式穀以繼吾志

則吾沒亦無憾矣時王氏年至六十有七而卒公哀毀骨立絕粒者數日居常追念及之卽涕泗不止於是益勤本業光大前型時歲大稜憫然捐金糴穀以賑遼近橋梁道路每爲倡義助貲修葺邑侯旌匾以示風勵又歲延名師課其二子庚戌仲子懋承先人邑庠生次年卽拔優等補廩食餼會未入棘闈旋赴幽宮咸謂公當從此渝志而公嚴課諸孫仍攻事詩書無稍懈也夫以公遭時之屯孤寡相憐乃克恢先業堂構聿新可謂善承母志者矣王氏其不朽乎公今享壽六十有六春秋尙奢安人王氏端莊勤儉子二孫二俱舉之青雲之器長子懋章從余肄業故不自知拙陋而爲之叙

萬曆甲寅夏月

郡庠生春表弟 季復光

邑廩生眷侍教生蔣明祺同頓首拜贈

遠附三百九十四 譚文湘公行狀

粵稽礦寇之難一時投石趨距者率奮袂而起勒名燕然王少不絕自是

國家徵材必推吾郡而倍磊陳姓尤最懿爍如錦溪公兩川公見塘公友松公高峯公寶峯公暨蘄鎮三屯營都閩前溪公盡以鷹揚藉藉幕府爰蔭後裔及歿之功甚懋遇愈奇志愈壯克類古伏波將軍之豐鑠者無如大將軍前溪公之仲子懷溪公也公諱文湘字華卿生而狀貌魁梧儀容修峻性落落不喜作猥瑣狀前溪公每奇之幼令習舉子業統學成均公亦翩翩自負青雲之器已而弗就或勸之俛簞散秩公厲聲曰大丈夫須效請纓著績豈區區事此僕吏之爲皆嘉隆間浙閩多事公遂偕兄仰溪公從父南蒔島敵有功奏捷

天子爲勒璽書覺報已而薊北跳梁

上厯宵旰之慮公父子奉

詔往征俘馘甚衆公擢薊西總領時大將軍前溪公已授薊門都閫矣
公謂爰是繫單于頸封狼胥還報續名凌煙之尾此其時也不料
前溪公以軍旅告瘁南還殂於家公痛絕者數次公配朱氏再三
勸慰謂若無忘繼序盍竭蹶前圖以竟大將軍之志何徒爲是悲
悼也公因歛哀戒器復之北冀大展驥足時承平日久淹留數載
至萬厯丁酉歲闕白犯朝鮮甚急

詔令諸有功名將往援公奮臂就道期滅此朝食兵法一如古制所過
秋毫無犯比對壘不解甲者數十日前後斬獲島賊無數功紀幕
府叙應不次擢用然素性耻言錢神事止授秩千總人爲公快
公處之夷然時朱氏欲勸公家食以圖式穀公怒謂昔馬伏波年
七十猶據鞍顧盼以示可用吾時尙壯事尙可爲正須奮翼澠池

宜鬱々以田舍翁老乎遂令氏先歸氏秉性寬大善成夫志務勤
家事訓子讀書凡有捐助毫無吝惜稱爲閩中師範女中丈夫良
不誣也令子三諱希禹希謨希順俱振振兌繩前溪公之武者令
媛一名銀適崇山王一憲令孫懋華等六人咸濟濟雅飭穎異能
文公長孫實甫適從余遊見其攻儒有素必干青雲而直上公卽
不遇其志伸矣雖然昔渭濱年八十夢兆飛熊爲周元勳今公六
十有四天固老其才欲大用之也何慮鬱々久羈哉生久慕公之
行狀不敢以不敏謝聊爲之敘其略以紀其實云

昔

萬曆甲寅仲夏吉日

眷侍教生季復光頓首拜撰

遠三百九十九講茂仁公膺襲榮壽序

予嘗觀象東陽過府治道經倍磊青山若障澗水若澄爲風氣所
鍾蓋陳氏世居有雲川公者忠勇好義繼志述事江以南爭慕其
聲若季布之重於楚余得聞其行詣甚悉也公驅幹魁梧氣度沉
毅嘗慕古之俠節有不可一世之概其於天下事則以意經緯之
無不批郤導欵而緩急安危可要之百年而不爽也蓋公之府君
嘗執橐鞬爲戚大將軍從事大將軍功蓋一時而斬將擐旗多出
公之府君於是

世廟嘉乃勳

賜賚優渥剖券封萬戶侯俾子孫世其傳不替公當襲爲指揮同知越
今上庚戌始上大司馬襲前職實公六旬初度也議者謂公強壯之年
惜未嘗出爲

國家豎勳余以爲天下事銳氣以赴之不若厚養以規之英邁以發揚之不若艱難以諳練之此正公之善藏其用者也譬之喬松豫章飽風雪歷歲月然後上干雲霄以爲棟梁器耳公今六旬則前此數十年之間閱歷人情熟籌世務凡沉思諳習者非一日故矣方將播之而不動撼之而不驚於以應

當此拊髀之思知必有以効之矣廉將軍馬伏波趙壯侯其已事也今無論北有寇南有虜卽論浙中事自東甌至會稽濱於海每有萑苻嵯寇之虞其深山大壑若括蒼古婺礪賊猥獮是亦今所蒿目而籌者也公且儼然抱才望而作之鎮其於扶危拯困之計何嘗一日置諸懷乎夫公之府君爵不酬功而以其未竟之志貽之公公復以忠誠練達効之

天子是天心所顧誕而栽培之者也公令子三鳳皆強毅克宗而諸孫

嶄然露頭角異日者振振颺起以步厥緒而後知天之厚公果不
誣也豈獨享永年躋高位爲余一人之私祝耶余友鍾君養初謀
所以觴公者於余余敢以不文辭於是再拜稽首謹抒俚言以將
其事

昔

萬曆三十八年九月望後二日穀旦

賜進士第文林郎禮科給事中

侍生姚永濟頓首拜撰

遠六百三諱洪勳公傳

嘗觀禹貢所載五方之風氣不齊而山川之鍾靈特異地靈人傑之說由來尙矣如八婺之烏邑推巨族者莫倍磊若也然其先冠蓋相望金紫盈門不可殫述至如才能拔萃品度卓犖者吾獨有取於諱洪勳別號懷塘者焉其度偉然其品超然遐考其父近塘公者固爲一族之望者也邑侯周稱其才嘉其德慕義急公造梁賑濟任事於先而懷塘公克繼其後事父母則隆其孝敬處昆弟則盡其友恭至親朋交際必先施之而恐後遇事則爲之解紛見貧則爲之賑貸歲時燕會恆款待夫賓朋寢廟薦新嘗與懷於祖考履南畝而課稼穡農事無荒督諸婢而業蠶桑女工載勉上有賢父兄以爲之先下有賢子孫以爲之後皆公之福德有以致之也所生四子長守武除授山西高平縣典史克稱厥職民歌良

身... 卷... 上... 言... 前... 集...
牧次守臣三守陰經緯宏才動履服衆幼守憲一女適塘下洋金
孫男八森森玉立克光先緒謂非公貽謀之善乎予於公有至姻
之誼因爲之序以誌不朽云

貢士眷弟

金仲忝頓首拜譔

邑庠生表姪孫金漢緒仝頓首拜贈

賀卽總戎行遠六百二十六諱彥奎公樂襲序

不佞居恆竊豔我

國家之馭武臣之摯也彼草昧從龍助勦矢績業不難與之胙土卽
戡定一方馳驅多壘樹尺寸功猶且議延賞世世弗絕顧爲武臣
者或功與賞蒙流光而衍澤抑或功不與賞蒙澤斬而流卑此非
賞之者有偏枯廼當日所爲受賞有歧耳嘗執此以衡今介冑則
就有如敬塘陳君忠貞世篤者乎蕞爾閩越在海濱爲島賊所窺
伺艤船所出沒一失嚴戒則福輿輿先受之在嘉靖年間歲數困
矣天下混閩賜之定遠將軍戚乃定遠猶折節先將軍見塘陳將
軍固驍勇奇士與定遠禦敵多用勝算故當戚定遠之大殲賊於
福唐也初爲賊扼喉坐首尾不相應得先將軍支軍馳救轉敗爲
勝尋盡掃妖氛於秦川劍領間譬戚定遠心目而先將軍左右手

也。至今福興父子弟不至，辛苦墊隘室，相聚廬相保，伊誰之賜哉！亡何先將軍去，閩由偏裨而主帥，由主帥而總帥，於朝鮮大著血戰功，議延賞不佞，早從襁褓中，卽聞陳將軍功高，恨無繇報，鞭弭爲閩人謝疇昔也。頃永康王侯以治同安有聲，移劇閩，談將軍事甚詳，會今將軍敬塘世其官，徵不佞言爲賀，不佞竊喟然曰：吾閩之不能盡先將軍功也，何幸其以朝鮮盡也。閩人之失於爲先將軍報也，又何幸萬一得於今將軍報之也。先將軍它所樹勿論，卽其大造吾閩，當取萬戶侯，懸金印，顧猶且歛翮於朝鮮，以王事瘁天，其或者鍾於今將軍乎。兔宜之詩曰：武夫公侯，腹心書述，文武亦云有熊羆之士，不二心之臣。夫所謂腹心熊羆，不二心之臣，豈別有畸術，驟於艸澤間求之。唯是將門將種，可論世得也。今先將軍之勳猷，具在，唯自矢其心，是以德深閩陬，功播華夏，倘

將軍亦心父之心以酬國恩纘休懿不更見忠貞永茂哉王侯又
言敬塘君燕頷虎頭可當一面而彬彬德讓有古儒將風以是知
英雄豪杰其氣概迥不猶人今出爲

國家樹勳卽授公以總戎之任書曰世選爾勞又曰舉能其官舍將
軍其誰屬哉不佞生長於閩久戴大功天終惠閩徼今將軍再蒞
吾土則海上之牙旗依稀在焉德鎮武綏令瀚海無波桴鼓長寂
不佞日與父老子弟望將軍如見先將軍矣

賜進士出身朝議大夫南京吏部左侍郎前左春坊左庶子兼翰林院
侍讀纂修

國史管理

誥勅

文華殿侍班官

通家侍生葉向高頓首拜撰

勅封文林郎福建福州府閩縣知縣 眷侍教生王師周

率男 世德

世愷全頓首拜

萬曆三十四年歲次丙午季秋望日吉旦

遠七百二十六 諱洪儒公杏花居記略

杏花居者陳公諱洪儒之私第也公世居大祠之右其第曰臺門堂構擎霄廳簷蔽日朝夕禮賢款士不辭交際之頻嗣後年高養靜好樂幽閑於去宅百步許別置一第垣牆周匝竹木蔭翳前園後圃左井右池嘉菓足以薦賓客蘭菊可以娛遊觀此亦足以適公之志矣未也公固詩書家胃素以義方訓諸子欲望其子從折桂而遊杏苑其心始慊手植文杏於所居之西不數年而風枝露幹屹然挺秀時當春際則花開爛漫友人嘗有詩云何處春光勝最多杏花枝下共娉娉黃鸝紫燕相賡和好似桃源洞裏過議者謂可以預卜翰苑之兆也因顏其室曰杏花居以彰志也公享壽六十餘初配楊氏生子鳳起老成好學延師攬友讀書杏花居中時已入庠克孚父志繼娶楊氏生三子一女孫男六其後之振振

鵲起者正未有艾也予於公有致戒之雅以男漢盧屬在門楣於
崇禎己卯間嘗處杏花居中盤桓累月於此而無以記其勝不亦
浚公之高風乎故爲之傳以彰其美云

邑庠生眷待生金世橋頓首拜撰

邑庠生壻

漢盧全頓首拜

又像讚

於戲我公生自右族秀發其祥鳳山之麓惟嶽降神姿敦貌樸
淳德令像太邱式穀克振家聲名留簡牘性樂情怡唵花詠竹
宜享遐齡栽培厥福胡天不憇善人載伏喜見象賢蘭馨桂馥
焜燿來茲願言是祝

大清順治四年歲次丁亥仲夏月吉日

通家眷待生姜應甲拜題

遠七百四十二廷琇公暨宗三百七十希相公二孝子記

孝爲百行之首史云求忠臣於孝子之門孝顧不重乎哉予今修譜牒得二人焉一諱廷琇年甫十五父京商回病日臻諸名醫勿效琇計窮情急割股救父復生乃四月初二日也且也伯姆節婦趙氏立繼廷珊原許貼琇聘儀父守貞取其銀琇諫之曰立繼存祀例應二房以成伯姆之志如受貽男聘銀非義也願勿取父從之噫以一小子孝義兩全豈非其天性然哉一諱希相父遘疾因弟希臯往德州營商身故父痛深病篤諸名醫無措相情急籲天割股進湯救父回生乃正月初三日也尤善事繼母內外無間言噫子族一時而挺出二人孝經曰教以孝所以敬天下之爲人父者也宗譜家教所關茲竊預譜事先揭其概而記之以俟後世之表旌云

昔

萬曆甲寅季夏月吉旦

族兄 彥璣 廷華

思敬 洪賓

族姪 仲祥 希禹

希周 應試 全拜 譔

遠七百六十一諱洪遠公序并贊

予自彈鋏來遊盤桓於大石之鄉者蓋有年矣其地沃饒其家素
豐其俗淳厚而尙義居其間者大都多敦行士也陳君襟寰諱洪
遠者乃承川翁之長子少事詩書克承家訓雅愛斯文四方同志
者多謁其門若予碌々謏陋亦幸傳餐久之公常謂予曰人生于
世忠孝爲先顧欲盡忠於國當先盡孝於家易曰不事王侯高尚
其事其事何在亦供爲子職而已矣於是志父之志舉凡尊翁有
志未逮之事無不爲之善體而曲成焉君固善繼其志者也至事
繼母晨昏定省無有稍懈蓋積善者必有餘慶不特富壽之祝備
於一身而賢嗣弱冠採芹聲名藉藉於儒林况尊居族長德足教
家行足範世西賓薦于右席公正冠於八鄉君不誠爲敦行士哉
予故爲之敘其略而繼之以贊曰

曾氏養志田氏樹荆古人自勗孝友堪旌以睦以娯恩隆桑梓
同方同術誼篤友生嘯傲烟霞志不減乎富春垂釣悠遊吠畝
亦欲傲夫莘野躬耕且也平心率物遵仲弓之懿範延師課子
踵燕竇之芳聲澹泊以明其志奔襪以永其名

大清康熙十二年癸丑夏五月穀旦

府庠生年弟樓之珍頓首拜撰

遠七百六十一 諱洪遠公行實

予家距倍磊陳氏幾三舍以故雖姻戚聯屬而歲時相通問者絕少獨慎先嗜學謬以予夙習舉子業不遠道里携窻藝商確捉膝談心欣然意洽至留連信宿不忍去因是余與慎先交遂稱密焉自後適遇院試余與兒輩赴郡舟過其境進訪慎先因得謁其尊公號襟寰君爲余下榻因私屬慎先曰爾所交遊多矣而品學兼優固無若此翁者爾毋泛作尋常之締交可也慎先以君言告余余竊愧焉君固善持籌以資甲閭里而予則終身貧窶不意君之契予獨深豈予與君有夙緣哉蓋以君秉性豁達與世之厚貌深藏者心行頗殊宜君不以余爲不才而且視之若臭味之無差池也雖然予則何敢望君之才足以理劇故清吏咸舉爲公正君之德足以周急故荒歉均蒙其慷慨君之智足以解紛故都以君

爲長而爭競平以理道君之勇足以靖亂故社以君爲長而強悍
化以詩書是君之通德類情固無往而不利者矣若余之歷之無
足輕重亦何敢望於君也今君之子若孫俱嶄々露頭角後將大
顯其門閭以爲君種種盛德報君其益勵厥終以迓薦至之床可
也屬慎先重鐫家乘徵余言以表君行蹟余雖不斐而終不能沒
君之實因卽舉余所以締交於君者而述其梗概如此云

大清康熙十二年癸丑夏五月穀旦

眷弟李爾閣頌首拜撰

宗二十二諱希文公傳

公諱希文思溪其別號也自少豪邁超羣志量軒昂有古烈士風
曾大父太學生諱勤公大父錦溪公總捕都司以武功稱最父諱
文漢公卒於戎行生公昆季三公居家也以祖功最應當世襲初
志欲併功繩其祖武因父卒遂托志邱園事寡母順志撫二弟友
于治家嚴而有條處鄉和而且敬其禔躬範俗也秉心無競處事
有方故潛德日章令聞廣被邑侯梅公廉公舉爲約正以式一方
風化公乃平心率物族有不平事咸求質正曲直罔不輸服焉至
如捐貲賑困樂助急公此又公之懋德素孚於上下者也邑侯張
公榮之冠帶匾贈德合鄉評論者謂公不繼祖武以樹績當年余
以謂出處雖殊途而家國同一理公善繼父志率乃祖之攸行是
亦爲一家之政癸必居位哉公享年六十有五配本里楊氏生一

女順適阪田主簿朱惟康繼子國彥克承命緒余忝屬親誼素沐
公愛甚故揭其行概而表之以垂不朽云是為傳

萬曆甲寅季夏吉旦

東邑庠生眷侍教生蔣廷侶頓首拜撰

族叔 彥璣 廷華 思敬 洪資

族弟 仲庠 希禹 希周 應試

仝拜刊

宗二十七諱大經公七旬壽序

君諱大經少溪其別號也少負氣節搗平寇闖歷冒鋒鏑之險一
旦自省深入不測恐貽父母憂隨歸告親曰商賈四民之一業也
亦足以供奉養之資且無臨陣忘身之患乃商於山東高塘州昆
仲有四畱弟大有在家日具美膳以怡悅慈幃高祖諱通公爲一
鄉之善士父鉅公齒德兼備府邑旌匾冠帶榮身母沈氏閩德幽
閑慈惠好善非祭祀燕賓不忍傷牲一命終身蔬食而已君有纏
貫騎鶴二得之愿固由君孝友所致也唐香山有九老白樂天作
九老圖文潞公慕之集年高德邵者爲耆英會君登七旬非卽其
選乎奉工部屯田清吏司帖文行縣邑侯王公嘉君之德且壽贈
匾以誌其美予在林下固與君聚首非一日也安可無一言以爲
之賀云

萬曆三十二年五月穀旦

三阜逸叟雲

涵中

仲嘉仝拜

宗一百三十六諱希哲公榮任淮安序

吾郡烏傷之南四十里倍磊陳婺之巨族也其地山川毓秀多產異材當礦賊之亂一時膺募選者不可枚舉而大將軍錦溪翁最著夫大將軍固首倡義者也尋擢授浙屯田都尉司制具倣先零趙充國行之時以佐縣官之急著跡甚大至今浙猶賴其利爲婺良將第一識者已知厥後之必昌矣今心字陳公正其冢君懷錦公之季男也尊大父從大將軍卒於王事時公尙幼每念及輒涕泗不止待母極馴謹小心以承歡爲尙事二兄以父禮凡事必先稟後行夙負有大志好習經史性格惠和不與人忤尤喜與諸文人游諸文人被其容接者藹然如坐春風中絕勿似將家子屢爲舉子業弗就人或勸其肄武以繩大將軍之業公笑謂大將軍當蒞寇之際援足行伍之間今國家戢燹已久薪樵塗尙廣縱不得

修石渠天祿之榮何患不能縮半通之綬以藻黻前人乎後俛受
一秩道將之淮過辭余余夙知公之才望必能膺是秩也勸之曰
勉矣夫淮之行也淮之地險要萑苻之警時出沒叵測大冢宰以
公名世將胄韜鈴素閑簡公彈壓其間若果爾君之祖大將軍之
事是似淮南之地詎久羈公哉漢時良吏稱職上至勒璽書報
獎尋擢為三公宦跡迄今不朽國初猶倣其制可按藉而致也
公得無意乎矧以公之式穀令子五蓋英英特達俱足繩大將軍
之武者則通顯又不獨有公矣勉之哉毋忘予言時朱仰翁在座
亦深知公之素者聞余言而喜曰是真足榮公者矣公諱希哲字
汝吉於余世姻素知公也遂書之以贈

昔

萬曆四十年仲冬之吉

賜進士第中書科中書

眷生

金世俊頓首拜撰

賜進士第工部營膳司主事

眷生

王世德

光祿寺署丞

朱夢喬

鴻臚寺序班

祁繩文

西城兵馬

金文德

州吏目

朱天援

金華所指揮僉事朱文用

聽選主簿

楊文魁

陽平縣縣丞

楊天麟

新興縣主簿

朱惟康全頓首拜

[The main body of the page contains approximately 15 vertical columns of text, which is mostly illegible due to the image quality and fading. The text is arranged in a traditional vertical format, typical of classical Chinese books.]

宗一百五十諱光裕公傳

嘗謂人之出處不同立德則一出則風教於天下而處則能坊表於里巷如倍磊陳君諱光裕號洪宇者吾不能不景仰其行而思其德矣族尙紛華彼務敦樸人多爭競彼尙寬宏不畏豪強不侮孤寡不營營於世務不矯矯其行踪借貸者不計其利不能償者焚券釋之交易者不虧其值不及數者格外加之體厚而德豐心恕而量大輸粟濟饑好賢禮士訓子詩書各行彰著邑請賓宴首推耆德種種善蹟似難枚舉安人沈氏肅雍閨壺相敬如賓贊勳立業克振家聲二子六孫克承先德孫女配庠生沈翔曾元孫十踏踏濟濟正未有艾也予與公里連咫尺誼屬親朋且承愛久深知公之芳躅爰序其大略而并爲之贊曰

端莊其度

嚴肅其容

存心忠厚

眉宇秀豐

身馬不...
肯構肯堂 克光厥宗 夫婦齊眉 贊襄厥功

黃髮鮐背 德高壽隆 英同洛社 共仰高風

眷晚生宋大緒頓首拜撰

又像贊

渾渾噩噩 磊磊落落 幼擅英畏 耄猶矍鑠 若非世上仙羣 會向山中相爵

附沈氏安人像贊

具丈夫志 全丈夫德 藹藹賢風 堂堂懿業 允矣女中 丈夫展矣 訓嫻內則

大清康熙十一年歲在壬子黃鍾月穀旦

孫壻邑庠生沈 翹頓首拜撰

宗一百九十一諱大忠公序

余岳父仕鵠父之曾孫也余生也晚不獲覩公面受公塵誨壬辰歲陳氏以族譜告成岳父命予敘公予辱居甥館義不容辭因不自揣固陋而爲之序曰夫富貴福澤造物所以報積德之人也然預存一望報之心則積德之意已虛求其心存利濟而慨然行所無事者蓋惟有我公矣公諱大忠字子臣其世系載之家乘勿殫述生平淳樸謹厚而性尤好施鄉黨中有以口給不繼告者公輒傾囊予之勿吝諸親友見其輕財好義無不愛重於公而還以物莫繼爲公惜也咸以治生之計告公公曰積善者治生之長策也子乃以此短我乎仍好施如故公尤持重善斷遇有忿爭者以片語解之莫不心折蓋公之公正誠懇其取信于人有不自一日始矣公生平行誼約略類是元配周氏嫻內教有孟光風舉子四長

益臯次福顯三福盛幼福榮孫男十四曾孫元孫三十有餘森森
玉立或效職於王朝或振聲於黌序嗣後芬芳百世正未有艾此
非我公種德之深而能若是乎公生於嘉靖癸亥七月二十九日
申時卒於天啓癸亥十月二十五日子時享壽六十有一今卜葬
於東陽朱店山塢各穴爰備載之以垂不朽云
大清康熙歲在壬辰季冬之吉

曾孫壻廩膳生王鶴翔頓首拜撰

贈貢元宗一百二十八諱文洵公傳

陳氏道源公諱文洵字子常性質俊麗狀貌清奇及壯豪氣超羣
夙有大志嘗讀鄒書至居天下之廣居篇輒自負曰大丈夫挺世
如是無忝所生庶可酬君父矣識者奇之公父諱鉞公早年謝世
母宋氏堅持雅操節比柏舟教子一稟義方持家克循矩矱邑侯
儒學旌其門匾贈矢志冰霜生公伯仲公居仲也伯兄諱文湘能
繼父道將欲大振家聲延名師以課公惟公能遵之也事叔伯如
事父竭蹶前圖無論日中是專志于學議論證據古今出入經史
諸子當縣府試郡侯徐公一試而器異之大宗師翰林院林公大
爲之擊節由是早拾芹香聲馳黌序慨然有鵬搏萬里之志次歲
賓興赴試未陟巍科先補廩餼嗣是屢試棘闈膠數奇而不獲售
至萬曆壬寅由府貢徵入北雍彙攷薦居首等蜚聲騰茂僉謂公

不利於浙場者意天故阨其運而老其才使奮翮北薤爲天下英才冠豈不足爲君慶乎夫何天上玉樓成而召公以修文惜哉雖然公之才雖不見效於世而聲已被於北都回視賢母賢兄之教亦可少慰矣公配金氏克盡婦道孀居數歲卒子一諱王寵年幼冲父母繼逝已自成人循乎矩度率乃父之彝訓厥後繩繩碩果之報日可俟也二女長順適畝田朱文芳次福余與公同座肄業稔知公行向竊嘉公之文才而壯公之氣節聊贈俚語以遺其世云

萬曆甲寅季夏吉旦

賜進士及第刑部江西司主事

丙午鄉進士

友弟葉官頓首拜撰

友弟李時蕃同拜贈

宗二百九十四諱仲庠公傳

吾族自八寶之發源層巒聳峙澗水滌泗山川鍾秀地靈因以人傑縱不見仕於朝而抱璞林泉高尚其德者亦代不乏人如號秀嵩兄者孝義士也厥父行遠百八十五府君壽考維祺望譽素著生公昆仲四公若其三孝親獨肩其任友昆成盡其道敦睦閭里畊田立業恂恂禮讓有長者風廣其惠於比隣積其善於後裔雖萍踪偶合不吝信宿卽豪強見侮處之坦如延師訓子教以義方生子五長可通聰穎邁倫次可巡耕殖樹蓄三可遂四可廸聯蒂雙生幼可定皆克丕振家聲孫男九元孫三承先啓後而諸福之集正未有已也是焉可以無傳予故因修家乘會集宗人識其孝友嘉尙其德而復爲之贊曰

天道無親 常與善人 令德壽考 百福駢臻

行仁修德 淑慎爾身 蘭馨桂馥 孫子振振

大清康熙十一年壬子季夏吉旦

郡庠生弟起德

邑庠生姪三問

邑庠生姪益怡同頓首拜書

宗三百九十八諱應耀公傳

予嘗讀宋元兩史宋大儒輩出而理學所鍾則婺州爲獨優金仁山許白雲固其表表者也今有待老年翁自婺州來托跡海昌初與之接飲人以和知爲有道仁人試其所有如淵海之不可量聞其俗三冬必哀習廣堂講明禮法故人人知敦孝弟謹言行齒讓成風里臻古治矣而待年翁之家教淵源尤爲茂著高曾祖禰代有傳人高祖諱淵公宏治間郡邑薦舉約正匾贈理學名家曾祖諱守仁公好學力行潛心大易適志濂洛之學生三子次諱聰以好施聞舉五子次曰本原君諱應耀公則待翁之禰也事親盡孝居鄉恂恂如也客有能爲子孫陳道誼則出鷄黍酒至數日不倦終身以敦信積德陰隲後人爲懷孝弟力田起家至累萬郡邑俱有旌匾以榮其居焉母徐氏系出文潯公旣孝且慈亦勤而敏

舉六兄弟長曰明次曰魯三曰曹待翁行君四諱晉配傅氏有女無子繼次兄之次子爲嗣五曰昇六曰旭初俱共爨父母沒乃折箸仍同居無間言婺州理學之邦德門仁里堪爲矜式者固多若待翁父子尤克繼遺徽于仁山白雲者乎故予有感于性近習遠之旨而慨慕乎婺州之風聲恨弗獲比屋而居爲之相與數晨夕也

大清康熙七年歲次戊申夏五月吉旦

海昌孝廉年家眷弟日庵查嗣響頓首拜贈

宗五百一 諱希昌公傳

凡人志量不廣者不可以居身才德不宏者不可以立業若乃乘
質堅貞而行事磊落賦性果毅而謀猷卓犖者蓋難其人矣至如
陳公諱希昌字伯盛而號少凡者予之東道主也其行事與謀猷
殆庶幾乎當其甫離襁褓早失怙育及至成立卽慨然有大志事
母至孝昃昏定省不憚其勞遇事則必稟命而行處鄉黨則敦睦
和敬廣施德惠輸穀賑饑邑侯旌孝獎善此其大較也厥配朱氏
安人淑慎雍和謙恭靜一夫婦齊眉與之偕老生二子長曰子程
天性循良端誠謹厚次曰子种夙諳孫吳素嫻韜略有聲武庠孫
三長可述由武庠而職至遊擊次可久聰穎邁倫高超越俗三可
廻循規蹈矩能遵祖訓元孫五桂異芳芝蘭毓秀然此皆少凡之
樹德不朽以致然也予屬親誼忝兼兩席愧不能文聊叙其略以

垂後世云

邑增生才同案頓首拜讚

邑庠姪三問

于璟全拜閱

宗五百十七諱文治公墓誌銘

陳公者余家嚴世交也家嚴雅慕公因以長孫女配公之子諱王
綱廼以契交而議婚媾氣味孚而情意更洽也時余方髫齡雖不
能悉知公之巔末然其大德碩望我家嚴于談論間每嘖嘖稱之
不置亦得與有聞焉公諱文治字懋章號斤明遠三百七十一府
君長子也公賦性寬宏古道自持承順娛親友愛兄弟立身則正
直端莊處世則溫恭樂易勤儉以治家義方以教子課讀課耕男
女各舉其職閨門之內肅如也至排難解紛賙貧濟急而義聲又
蔚然矣平居苦志詩書惜不得一第以酬所學而以邑庠終然督
學高其行誼兩舉德行以旌獎之正不得以軒冕爲公少也公生
萬曆辛巳年七月廿七日戌時卒於順治丁亥年八月廿六日丙
時享壽七十有八夫人王氏敬以事上慈以御下和順以處妯娌

內外相助以成厥美生於萬曆壬午年三月十六日子時卒於順治丁亥年九月初三日戌時享壽七十有七一子諱王綱卽余家壻也天資爽邁氣宇宏深讀書寒暑不輟幼年入庠孫三元孫四公暨夫人於順治己亥年三月合葬於百畝山陳坑循之原敝述其事以誌

銘曰

公德彌邵 公壽而康 齊眉舉案 蘭桂挺芳

徽音朗朗 奕世其昌

大清康熙癸丑季秋月 穀旦

邑庠生馮璧占頓首拜撰

宗五百四十六諱廷桂公傳并贊

觀人之法惟德與才濟變取才居鄉重德而德者性之端福之基也倍磊陳氏族甲孝烏有諱廷桂號敬泉者固修德不倦者也業素封饒父兄作室底法而翁肯堂構恂恂好禮有長者遺風其度量之有容也德乃大其愛敬之油然而也德潤身其愷悌也德周鯁寡其慷慨也德濟困窮當崇禎十二年間歲薦饑饉流民載道邑侯熊公勸富民蠲貲賑粥公慨然認賑三日每日給千有餘捨熊公喜翁爲倡因獎其德表其廬古云立德不朽翁其有焉翁仲子三涵爲社兵長團練勦寇翁誨以節制全活者甚多此又翁德之餘者也予西席錦溪久且與翁有葭莩之戚三涵請贊於予予媿言不文未足爲月日評也聊書翁德之大概以遺後人復爲之

贊曰

錦城陳氏源遠流長輔成少保世閥薦揚習尚威武翁獨恂恂
素封好禮誼篤彝倫端方持己汎愛親仁惠鮮困窮賑饑輸粟
疆悍趨風解紛鄉曲德基宥密德音孔彰庸德雖非立名之地
潛德終無不發之光

邑庠生通家眷弟丁同案頓首拜譔

徵仕郎宗五百五十七諱文會公傳

孝烏巨族倍磊其最著也稱武功則羣雄迭繼言文事則賢哲代生若徵仕郎號錦泉公者予三男婦之太翁也公當幼齡早失怙恃克承先業及就傅訓搜羅典籍居恆嘗自慨然曰管子所云朝而安暮而習不見異物而遷焉蓋言囿於目前而未能高大其志者也若氣宇宏深者須以遠觀爲上於是負笈遨遊北走燕都任河南汝州寶豐縣主簿時值歲歉奉委採糴糧需斗米十千糧不克敷通省委官百十六員投縊自盡者三十餘人家罄鬻產者八十餘人內有波害鄉隣者比比具疏批允酌議告縣帮補時天啓五年事也豐邑鄉紳士民同縣令劉告諸城隍廟立一糧冊每額一兩加增一石共計償補銀五千有奇永爲定例公則愀然披肝瀝膽對諸神明白某家素豐旣明

朝廷一命之榮義當輸賠効忠若立償補糧冊則百姓敲膚剝髓被
害甚深與其害千萬人而利一己某勿願也因慨然對縣令紳士
立誓愿鬻產輸賠而不欲百姓償補一時聞言皆歌父母曰吾邑
子民世世受福願公子孫昌大其門世綿其澤于勿替三載陞南
直淮安府大河循經歷司經歷臨行之際百姓扶老携幼祖餞哭
送百里不絕民之愛戴昔平原君市義故事復見於今日矣厥配
毛氏太安人肅雍貞靜壺範聿彰不以罄產而賠王事形諸齒頰
惟以義方課子丕振家聲公當晚年四子五孫優游適日以終天
年親翁諱維章公入邑庠生此非治政立德之明驗乎余愧不文
略記大端以俟後之興感云

崇禎十三年秋月

郡庠眷晚生沈震亨

邑庠生親甥王希縉仝頓首拜撰

宗五百六十諱傑公耆實傳

忠孝節義人之大端。獎善褒德。維風至意。行有其善。則曰善行。澤有其德。則曰德澤。未有善德不至而可以冀鴻號於無窮也。如倍磊陳公諱傑。別號瑞嵩者。有足誌焉。考其行。則矯矯不羣。觀其德。則亶亶足尚。公之昆玉四公。居其幼事親至孝。事兄盡禮。耕而食。鑿而飲。坦如也。行彰於身。德著於業。志喜恬適。性好推施。無有遠邇。盡仰高風。邑嘉其善。敦請耆賓。憲重其德。隆賜約副。錫其匾。有曰德瑞升恆。有曰旌善維風。有曰德重嘉賓。屢々匾揚。不可勝紀。享有遐齡。福壽備至。可謂積善。盛德之報矣。公子二孫五皆英英。濟濟克承先業。則後嗣之盛。正未可量也。予忝屬雅愛。媿不能文。聊附俚言。以誌其概。是爲序。

皆

大清康熙十二年歲次癸丑仲秋吉日

眷弟慈湖邑庠生瞿文煥頓首拜撰

貴州守備道宗六百四十稱五八諱元相公傳

夫家之有譜紹世派也人之有傳紀功烈也譜傳之作由來尙矣
余舅氏敬橋陳公幼習韜鈐素嫻騎射誠所謂鷹揚名族將門子
也及長總制府授以將材授以千總整肅軍容調理行伍悉遵古
法兵循紀律嗣後適值古巳之變敵破鑿永遵遷四城朝立賢榜
廣搜豪俊公應其選獨在揭掣奉經略之令任冲鋒之事我公氣
蓋千人勇冠三軍披甲胄以對敵登雲梯而上城身冒鋒鏑矢傷
右肩神色不變勇力愈奮揮兵入城敵人潰散而四城克復矣於
斯時也提塘報捷兵曹奏績恭呈

御覽召對面

君嘉其功績授

勅任銅仁守備道之職兼管軍民以都指揮體統行事管攝銅仁思

州思南石在四府地方并西陽宜撫司平茶邑梅二長官照依兵部題奏事理操練兵馬禦防城池督捕盜賊保障居民控制各該土官無事則操練防守有警則出哨巡緝我公勤慎存心持廉奉法正己率下民力田疇兵糧約束政令明而地方安防守嚴而盜寇息猗歟立功立德公其選矣今陳氏重修譜牒誼關甥舅理當表揚故不揣鄙俚敢續貂尾之末爰爲之序

昔

大清康熙壬子臘月吉日

陝西合水縣尉

同里甥楊士能拜撰

宗六百九十九諱守盛公耆德傳

今夫作傳者何所以傳其人之才德以揄揚於前而表著於後也如倍磊陳君諱守盛字伯茂者大總戎驃騎將軍之姪孫也自幼意氣邁倫語言軼衆恂恂有長者矩度及壯有大才遂遨遊四方經商於三衢間每以利濟世人爲務旣而廣積蓄裕貲囊歸治產業能充拓先人基址享祖養親貽孫燕子其才如此而更觀其德樂施慨助凡遠近徒梁險道無不捐貲修葺以利行人族有事曲喻理道講明法律所在施恩遇事玉成或彼此以財產相角者卽代爲之償而不責其報不特爾也時當歲祲公嘗倡義賑貸給膳療饑於是德音日懋鄉評推其誼郡邑嘉其行隆以鄉飲而旌表之此非其德使然乎尤可嘉者竭力祠事惟以尊祖敬宗爲念興利革弊增加祠產蒸嘗之費之得以裕如者公爲之也吾謂公亦

此才兼有此德而晚年恬然於林泉之下釣于水鮮可食採于山
美可茹款友延賓酒酣耳熱固無往而不自適其天者矣公享年
七十安人王氏秉性賢淑勤儉治家生三子益洪益怡益悅益怡
天姿穎悟善屬文詞慷慨有大志入邑庠生一女蘭適金華孝順
方士貞孫男七孫女一曾孫十有七其濟濟之材皆為國器而公
之餘蔭正未有艾也余忝居西席素知公之行狀故不揣愚昧為
之舉其大概以表公才德之不泯云

康熙癸丑菊月吉日

邑庠生 通家眷弟丁同案頓首拜撰

庚子科舉人眷晚生童楷同贈

邑庠生 姪子璟頓首拜書

都督僉事宗八百二十二諱文翰公忠節傳

稽古鄒魯之稱獨歸於婺烏傷婺邑也文章節義於斯爲盛如駱侍御討武曩一檄輝映千古後事敗潛身靈隱大義凜然孔曰成仁孟曰取義丈夫立志無庸以成敗論也是故宋際航海舟困崖山而陸秀夫擁護帝炳猶進大學句讀拭淚朝班至抱孺子俱溺國史始書宋亡可不稱死而後已者乎若當明季而能抗命孤危背城借一者惟瓜楊及寶婺耳或謂不識時務有螳臂當車之誚若以所云則張巡之守睢陽其果禍民與非禍民而保障江淮之功死乃論定彼南雷姚賈諸部曲之雄烈亦附之而傳也緬維督帥朱公堅守婺地有陳君文翰號漢章者任帳下都漢典護牙軍利乃戈矛堅其甲冑演武教塲如圖如墨衆咸稱漢章能而督帥亦心營庸之乙酉師潰亂兵掠婺攻不能入漢章與有力焉然此

猶部曲之常安足媿唐之南霽雲等所難者漢章得死所沒於乾
淨地耳丙戌帥潰江干追攝之騎萃於暨陽漢章猶啣帥命堵截
烏界控要害帶甲枕戈聞鷄起舞誓不與敵俱生迄乎騎臨廬寨
衆寡不敵遂冒鋒突陣而亡疾幾明大義於天下不負殺身成仁
舍生取義之男子也漢章烏之倍磊人將門子廼兄則中書舍人
名文科者也漢章生世家具文武才

國朝進士曾宦婺遞爲寧紹道者若吳公竇公皆慕公義而旌表之予
與公亦作藺廉交旣手書貞忠報國之額歸其冢子爾鉉復書予
忠飾之概以遺後人俾持衡者採之勒之太常以垂不朽云爾

恩進士文林郎金華府東陽縣教諭前知杭州府富陽縣事

郭士英頓首拜撰

大清康熙癸丑仲秋月吉旦

邑庠生姪益怡頓首謹刊

邑庠生宗干二諱鳳起傳

邑治西南四十里有山巒盤繞秀水環流於中開拓十里許其地曰倍磊歷年多產英賢故求國士者每接踵其地余於崇禎間方登仕籍皇華告竣息肩林下一日命駕吳寧道經倍磊適有陳子諱鳳起字聖瑞者謁余於途因止其家宿見其意甚懃懃伯仲謙恭遂執弟子禮欲從予遊其時早已入邑庠矣因見其稟質剛介立性馴雅修然偉貌迥異尋常又穎悟能文韜鈐熟諳知其非常流也時方流寇猖獗詢以謀略悉中肯綮余乃欲薦之當道以試其長未幾而流寇殄滅乃未見用歲在丙戌扶親潛避山谷中偶爲亂軍所傷嗚呼天生良材使不獲用於世終山牖下者非時也命也數也今陳子之未逢其時而見傷也亦歸之命與數而已矣夫復何言陳子配吳氏有淑德矢志撫孤闡範端肅日以謙和

儉訓勵諸子生三兒邦子邦寅邦戎皆成人使三子者能繼述父志敬承母教進修家業俾將來之血食不墜則陳子之歿也猶賢於生雖在余亦與有榮施焉故傳之而復爲之誄曰

吁嗟我公之生兮閭里輝煌大才儲用兮爲棟爲梁豈期早折兮玉毀珠藏中腸鬱結兮行止愴惶望公典型兮奕葉流芳

金華逸叟姜應甲拜贈

標統宗千四十三諱鼎桓公傳

公諱鼎桓字匡臣官名志中隣塘其別號也幼軒昂有大志弱冠遊京師與一時豪傑烈士交名噪冀北後因地方騷擾遂撒裝南歸閣部朱公奇其才以爲欲大用必先小試乃授以標官帶領本邑一帶塘兵偵探軍務虛實事情公喟然曰官雖卑委吏乘出大聖人嘗爲之況於我乎遂夙夜盡悴不遑安息後果以賢能膺上獎朱公方欲遷擢之而不克遂所願迨後本邑樓君諱希浩與公誓盟於京師者也肺腑相契適任閩省提刑屢以書延聘公固辭不就惟督家政奉二親訓子弟優游林壑者垂二十餘年卽此而觀公之志亦良苦矣而其爲人不大可想見哉公享年七十有三昆秀八公居六其先世俱詳家乘不復贅安人何氏婦道克嫻無忝閭範享年七十有一舉四子長文友字伯朋卽謀傳者次文斤

三文亮幼文傑孫聯芳聯紅從余遊因不揣不斐而傳公大畧示
大清康熙五十一年壬辰荷月之吉

東邑庠生眷侍教生蔣書升拜撰

宗千六十七諱起兆公傳

陳公諱起兆字吉先義烏倍磊人也族大家豐不待言矣家有五桂公居其長祖父貽謀箕裘克紹光前裕後兩擅其長素厭煩文雅喜質直率性而行任真而出惟艱於後親姪繼承字曰周臣綺歲采芹善必有後耄年得子昭臣其字子麟其名詩書有待克紹斯文德光閭里望重飲賓約略我公之大概其爲閭里之望云

眷晚姪廩膳生鮑正忾頓首拜撰

鴻臚寺序班崇千七十四蕭煥勳公序

余恭膺

簡命司鐸義邑蓋十載於茲歷覽山川靈秀稔知義邑多異人嘗與諸君子講習之暇聞有高致碩德者輒造廬而禮拜焉况表揚懿行司鐸職也籍以風勵一時教化之所由興也一日余契生陳含英以乃祖鴻臚公之行狀來謁且求文以壽家乘余曰唯唯夫今之頌揚其親者大都託名公鉅筆以爲榮施吾以爲非諛則誣耳予性素直奚敢以誣且諛者爲鴻臚公辱况予與子交厚往來尤密故揭其行狀而據實以表之曰公諱煥勳字師如世居義烏倍磊少而穎異習舉干業後以例貢起家爲鴻臚非公志也故雖占籍序班而心固沒然也其器宇之宏有如此且孝友天植晨昏盥櫛無不躬親素饒於貲惟好施與鄉里有貧乏者必爲賑濟則其

友睦媼任恤之誼闔邑皆能道之者也聞後舉家之德州不事主
殖而家計益饒通有無濟緩急其誠懇與人之意爲德州人所噴
噴稱道者予亦耳熟焉問年今以八十有餘矣其諱之於庭訓者
猶不稍懈生子二長諱仕智以例監選授州同次諱仕景丙子歲
貢生孫男彬彬玉立蘭茁其芽此雖子若孫之克承先志弗替家
聲而何其非鴻臚公錫類之所貽哉翁之高致碩德未易更僕數
此則表表不容湮沒者也予故事據其實而言不加文錄之以風
勵一時而予亦得藉手以報政矣是爲序

康熙五十二年癸巳桐月

義烏儒學司訓

海昌年家弟李濟頓首拜序

宗干七十八諱鳳苞公序

聞之孝爲百行之原而克盡者絕鮮陳公諱鳳苞字羽章先生者
奉事雙親孝道無忝以故邑侯孫公獎其孝而旌之曰孝德感天
是蓋人所難盡而爲舉世楷模者矣至於一生忠厚誠樸猶其餘
事焉耳夫修德獲報自古皆然豈有孝子之後而不光大其門閭
者乎今永久翁係羽章先生之令嗣也先生原配俞氏無所出續
娶王氏內助稱賢與羽章先生共敦孝道永久翁克繼父業慷慨
足稱忠直共仰雖未能及身榮顯而其四嗣森森各守本業長聖
彭次聖臣三聖搏幼聖貴俱足爲成家之子孫男名賢紹年僅髫
齡而頭角崢嶸異日將必大振家聲是皆天之所以報施孝子者
也余忝辱姻戚盡知巔末爰不辭謏陋而爲之序

大清乾隆二年秋月之吉

歲進士東邑玉峯王家珍頓首拜讚

又像讚

猗歟羽翁立身正直制行剛方嘉言可表懿行可坊居室營家
效陶朱之法解紛排難欽中孚之光曾沐趨庭敷訓爭諺詩禮
流芳美哉內助元配名門之貴繼來望族之良翁惟寄情於高
山流水斯獲福於而壽而康

邑庠生 朱 瑞題

宗千八十二諱起德公傳

陳公諱起德字慎先居婺東之望族綿太邱之德澤冬燥儒林聲
蜚鬢序學足三餘而居易俟命品高五柳亦明哲保身恂恂篤實
宗族稱其賢藹藹和光遐邇欽其度飲可一石彷彿劉伶之量醒
不煩解疾幾太白之觴元配楊氏孝敬如賓生有三子連袂采芹
白髮偕老紫芝滿庭壽終正寢德庇後昆繼此芳徽實增光於閭
里敢忘固陋爰敬述其生平

伯母楊氏安人出規疇之望族為慎公之髮配三從素裕四德兼
優相夫子以有道教三子以成名公姑孝養妯娌和平勤儉持身
徽音克嗣無非無儀貞節自持豈止淑慎乎一身實可母儀乎奕
世女中推其傑閭內稱為師今將享壽於未艾謹
懿範於寸莛

眷晚姪慕騰至鮑正斌首

